

የሃኒሴም ያኦሲ ፔጋሲ ዳዌ ባኮ ዓይያ ካሮ

የሃኒሴም ያኦሲ ፔጋሲ ዳዌ ባኮ ፃኣፒንቴሢ ኪሪሰቶሴ ጉሙርቃዘንሢ ዩሱስ ኪሪሰቶሴ ፔኤኮ ጎዳ ማሂ ሃሣ ያኦሲም ዲማዲያ ማዒ ናንጋሢሮ ዒዲንቲ ዳኪንቲ፣ ዔያታ ሜታዳ ዎድናኬ፤ ፃኣፔ ዒሢኮ ጴኤፖ ማሊያ ናባባ ዒሶኮ ሃጊ ማዒንዳ ዎዛ ጎኔ ዎዛ ማዒንዳጉዲ ደዲሻኒና ዔያቶ ሄሌ ዒዲንቲ ዳኪንቲያ ሜታሢዳ ዔያታ ያኦሲ ጉሙርቁያና ደዳንዳጉዲኬ።

ማፃኣፔሎኮ ባሼሢ ሚርጌ ሃሣ ዎሊ ሄሊ ሄሊ ዒኣ ባኮ የሃኒሴም ያኦሲ ፔጋሲ ዳዌ ባኮ ኬኤዛያ ማዒዛ ዩንሢ፣ የሃኒሴም ያኦሲ ፔጋሲ ዳዌ ባኮንሢ ዩኖ ዎድና ዒኣ ኪሪሰቶሴ ጉሙርቃ ዒሶ ማኣዲኒ ዳንዳዒያ፣ ሜሌ ዒሶም ጋዒንቲ ዒኣሺንቲ ባኣዚ ማዒ ማሊሲ ጌሰቶናያኬ። ዒይኦሞኮ ላሚ ላሚ ጌይንታ ማሊያጉዲ ሃኖ ማፃኣፖኮ ጌሊያ ካራ ካራ ጉቤ ዲማ ዲማ ያኦሲ የሃኒሴም ፔጋሲ ዳዌ ባኮ ዲማ ዲማ ጎይሢና ላሚ ላሚ ኬኤዚንቲ፤ ማፃኣፔሎኮ ቡሊያይዳ ዲማ ዲማ ማሊሢ ዒኣያታቴያ ጴኤፖ ማሊያ ጋዒንቲ ዔርቲያኬ፤ ዩይያ «ጎዳ ማዔ፣ ኪሪሰቶሴ ዛሎና ያኦሲ ላሚሱዎ ጎይሢ ፔቲና ፃላሄንታ ቃሲ ሜሌ ሞርኮዎ ቢያ ባሻንዳኔ፤ ዒ ባሼ ዎድና ዒዛም ጉሙርቁንታያ ማዔ፣ ዒጊኖንሢም ዒኪ ጫሪንቲና ዒኪ ሳዒናኮ ዒንጅ ዔያቶም ዒንጋንዳኔ» ጋዒያኬ።

ማፃኣፔላ ዲማ ዲማ ዒርቁ ባኮ

- ዒይያ ካሮ (1:1-8)
- ላንካዎ ሺኢጲያ ማኣሮም ዳኪንቲ ኪኢቶ (1:9—3:22)
- ላንካዎ ዔርዛ ማላቶና ማሪንቲ ማፃኣፖ (4:1—8:2)
- ላንካዎ ዛያሢ ዛሎ (8:3—11:19)
- ጴኤፖ ሾኣዣሢና ላምዎ ቦዎንሢና ዛሎ (12:1—13:18)
- ያኦሲ የሃኒሴም ፔጋሲ ዳዌ ዲማ ዲማ ባኮ (14:1—15:8)
- ላንካዎ ያኦሲኮ ጎሪንቶ ዑዠ (16:1-21)
- ባብሎኔኮ ባይሲንቶ፤ ሃሣ ቦዎንታ ሉኡዙሞና ያኦሲ ማሊያ ኬኤዛያ ማላ ዒሶንታ ፃላሄንታኮ ባሻንቲያ (17:1—20:10)
- ጋፒንያ ዎጎ (20:11-15)
- ዒኮ ጫሪንጮንታ ዒኮ ሳዎንታ ዒኮ ዩሩሳላሜ ካታሜሎንታ ዛሎ (21:1—22:5)

ጋፒንሢ ማሊሢ (22:6-21)

1 ሃይ የሃኒሴም ያኦሲ ፔጋሲ ዳዌ ባኮ፡- ዑኬ ማዓንዳ ባኮ ያኦሲ ፔኤም ማዳዘንሢም ዳዋንዳጉዲ ዩሱስ ኪሪስቶሴም ዳዌያኬ፤ ዩሱስ ኪሪስቶሴያ ፔ ኪኢታንቻሢ ዳኪ ዒዛም ማዳ የሃኒሴም ሃያ ባኮ ፔጋሲ ዳዌ። 2 የሃኒሴያ ያኦሲ ቃኦሎና ዩሱስ ኪሪስቶሴ ማርካዴ ባኮ ዛሎ ቢያ፤ ሃሣ ዒ ዛጌ ባኮዋ ቢያ ፔኤሮ ማርካዲ ኬኤዜ። 3 ዩይ ቢያ ማዓንዳሢ ዑኬ ዋይይዳታሢሮ ሃኖ ያኦሲ ማሊያ ኬኤዛ ማፃኦፖ ናባባ ዓሢ ዓንጅ ዋዛ ዴንቃንዳ፤ ዩያጉዲ ኬኤዚንቲ ያኦሲ ማሊያ ዋይዛዘንሢና ፃኦፒንቲሢ ኩንሣሢ ቢያ ዓንጅ ዋዛ ዴንቃንዳ።

ዒሲያ ዓጫ ዓኣ ላንካዎ ሺኢጲያ ማኦርንሢም ዳኪንቲ ሳራሥሢ

4-5 ዒሲያይዳ ዓኣ፡ ላንካዎ ሺኢጲያ ማኦር ዓሳም የሃኒሴይዳፓ ዳኪንቲ ሳራሥሢ፡-

ሃሢ ዓኣሢ፡ ሚናፓ ናንጋሢና ሃጊ ሙካንዳ ያኦሲዳፓ፡ ያኦሲ ካኦቱዋ ያይቶ ቤርታ ዓኣ ላንካዎ ዓያኖንሢዳፓ፤ ሃሣ ጉሙርቁንታያ ማዒሢዳፓ፡ ሃይቢፓ ዔቁያና ኮይሪ ማዒሢዳፓ፡ ዓጮ ካኦቶ ዋይሣያ ማዒ፡ ዩሱስ ኪሪስቶሴይዳፓ ኮሹሞና ዋዛና ዒንሢም ማዖንጎ።

ኑና ናሽኬሢም፡ ፔ ሱጉያና ሻንቁ ጎማፓ ኑና ጌኤሸሢም፡ 6 ዒዛኮ ዓዳሢ ማዒ፡ ያኦዛሢም ኑኡኒ ቁኤሴ ማዒ ማዳንዳጉዲ ካኦቱዋ ኑም ዒንጌ፡ ዩሱስ ኪሪስቶሴም ቦንቸና ዋልቁና ናንጊና ማዖንጎ፤ ዓኣሜን።

7 ዒዚ ሻኦሬና ሙካንዳ፤ ዒዛ ጫርጌ ዓሳኣ ዓቱዋዖ ዓሲ ቢያ ዒዛ ዛጋንዳ፤ ሳዖይዳ ዓኣ ዴራ ቢያ ዒዛ ዛሎና ዩኤካንዳ፤ ሂኖ! ዩይ ባካ ቢያ ጎኔ ማዓንዳ፤ ዓኣሜን።

8 «ሃሢ ዓኣሢንታ ሚናፓ ናንጋሢ ሃሣ ሃጊያ ሙካንዳሢ፡ ቢያ ባኣዚ ዳንዳዓ ጎዳ ማዒ ያኦሲ ዔኤቢ ቢያ ዓርቃሢና ጋፒሳሢና ታናኬ» ጋዓ።

ኪሪስቶሴኮ ፔጋዲ ጴዲያ

1:4-5 1:4-5 ኬሲ. ማፃ 3:14፤ ዒሲ. 55:4፤ ዓይኑ. 89:27፤ የሃ. ያፔዳ 4:5። 1:6 1:6 ኬሲ. ማፃ 19:6፤ የሃ. ያፔዳ 5:10። 1:7 1:7 ዳኣኔ. 7:13፤ ማጉ. 24:30፤ ማር. 13:26፤ ሉቃ. 21:27፤ 1ተኮ. 4:17፤ ዛካ. 12:10፤ የሃ. 19:34፤37። 1:8 1:8 የሃ. ያፔዳ 22:13፤ ኬሲ. ማፃ 3:14።

9 ታኣኒ ዒንሢኮ ዒሻሢ ማዔሢ፣ ዒንሢና ዎላ ኪሪሰቶሴኮ ማታሢና ዓኣ ካኣቱሞና ሃሣ ጊቢ ዳንዳዒዎና ዴንቃያ ማዔ፣ ዮሀንሴም ያሕሲ ቃኣሎና ዬሱሴ ዛሎናሮ ማርካዳሢሮ ፒዒሞ ጌይንታ ዎኣዎ ሳዛ ዓኣ ዓጩሎይዳ ቱኡቲ ዓኣዎ፡- 10 ጎዳ ኬሎና * ዓያና ጌኤሺኮ ዎልቆ ጋሮ ጌሊ ታ ዓኣንቲ ዛዬ ዑኡሲጉዴ ዴኤፒ ዑኡሲ ታኣኮ ጊንሢና፡- 11 «ኔ ዛጋ ባኮ ማፃኣፔይዳ ፃኣፒ ላንካዎ ሺኢጲዎ ማኣሮም ጌይፃ፡- ዔፕሶኔም፣ ሴሜርኔሴም፣ ጴርጋሞኔም፣ ቲያዒርኔም፣ ሴርዴሴም፣ ፒላዴልፒያና ሎዶቁያናም ዳኬ» ጋዓንቲ ታ ዎይዜኔ።

12 ዬያ ታኣም ዎ ኬኤዛቲያ ዔራኒ ጊንሢም ታ ሺሬኔ፤ ዬማና ላንካይ ዎርቁፓ ኮሾና ፖዒ ጌሃ ሻርና ታ ዴንቁኔ፤ 13 ዬንሢ ሻርና ባኣካ ዓሲ ናዓሢ ማላ ዓሲ ታ ዴንቁኔ፤ ዒዚያ ቶኮ ሄላ ዎዶሲ ማኣዎ ማይንቲያ፣ ዳዶይዳ ዎርቁይዳፓ ኮሺንቲ ቃልሾ ቱኪ ዓኣኔ።

14 ዒዛኮ ቶኣኮንታ ቶኣኮ ጋፓኖንታ ቦኣሬ ማራይ ጋፓኔጉዴያ ሃሣ ሻቹጉዲ ቦኣሬኬ፤ ዓኣፓኣ ዔኤታ ታሚጉዲኬ፤ 15 ቶካ ጊንሢ ታሚዳ ዓጊ፣ ጌልፒ ዘቁሶና ዓንጊ ማላያኬ፤ ዑኡዛ ሃሣ ዴኤፒ ሶኦጎንታ ዎኣሢ ጉኡማጉዲኬ። 16 ሚዛቆ ኩጮይዳ ዒዚ ላንካይ ዠኣጌ ዓርቁ ዓኣኔ፤ ዳንጋፓ ዒዛኮ ቢያ ዛላ ዓጩ ማዔ፣ ጩንቻ ዓፓሮ ኬሰካኔ፤ ሃሣ ዒዛኮ ዓኣፖ ካራ ሚርጌና ፖዓ ዓቢጉዲ ፖዓያኬ። 17 ዬያ ታ ዛጋዎ ደሊንቲ፣ ቶኮ ዴማ ዒዛኮ ሎኣማዛ ዒዚ ጋዓንቲ ሚዛቆ ኩጮ ታ ዑፃ ጌሣዎ፡- «ዒጊጩፖ፤ ዔኤቢ ቢያ ዓርቃሢና ፓፒሳሢና ታናኬ፤ 18 ሺምፔና ታ ናንጋያኬ፤ ሃያኮ ቤርታ ታ ሃይቁኔ፤ ጋዓንቲ ሃይሾ ታኣኒ ናንጊና ሃይቁዎዎ ናንጋያ ማዔኔ፤ ሃይቢና ሃይቁ ዓሳ ዴዓ ቤዘናይዳ ቢታንቶ ታኣኮ ዓኣኔ» ታኣም ጌዔኔ። 19 ሃሣ ዒ ኬኤዛዎ፡- «ዓካሪ ኔ ዛጌሢና ሃሢ ዓኣ ባኮና ሃጊ ማዲንታንዳ ባኮና ፃኣፔ፤ 20 ታኣኮ ሚዛቆ ኩጮ ኔ ዛጌ፣ ላንካዎ ዠኣንጎሢና ፖዎ ጌሃ ላንካዎ ዎርቆ ሻርኖንሢኮ ዓኣሺንቲ ማሊፃ ያዲኬ፤ ላንካዎ ዠኣንጎሢ፡- ላንካዎ ሺኢጲዎ ማኣሮኮ ኪኢታንቻኬ፤ ላንካዎ ፖዎ ጌሃ ሻርኖንሢ፡- ላንካዎ ሺኢጲዎ ማኣሮኬ» ጌዔኔ።

2

ዔፕሶኔ ሺኢጲዎ ማኣሮም ኬኤዚንቲ ባኣዚ

* **1:10** 1:10 ጎዳ ኬሎና፡- ጌይፃ ጎዳ ሃይባፓ ዔቁ ኬሎኬ፤ ሃሣ ኪሪሰቶሴ ጉሙርቃ ዓሳኣ ካኣኦ፣ ካኣሸካ ኬሎኬ። **1:13** 1:13 ዳኣኔ. 7:13፤ 10:5። **1:14** 1:14 ዳኣኔ. 7:9፤ 10:6። **1:15** 1:15 ሂዚ. 1:24፤ 43:2። **1:17** 1:17 ዒሲ. 44:6፤ 48:12፤ ዮሃ. ያፔዳ 2:8፤ 22:13።

1 ሃሣ ከኤዛዎ፡- ዔፕሶኔ ሺኢጲያ ማኣሮ ከኢታንቻሢሞ ሂዚ ጌይ ጻኣፔ፤

«ሃይ ለንካዎ ዙኦጋሢ ፔኤኮ ሚዛቆ ኩጫ ዓርቄሢና ለንካዎ ዎርቆ ሻርኖ ባኣኮይዳ ሃንታ ዓሢ ከኤዜያኮ፤ 2 ኔኤኮ ማዶ፡ ዶዲ ኔ ማዶ ማዶ ሃሣ ጊቢ ዳንዳዒያዎ ታ ኔኤሲ ዔራኔ፤ ፑርቶ ዓሶ ዛጊ ኔ ዚቲ ጌይባኣሢ፤ ሃሣ ጾኦሲ ማዶም ዳከንቲባኣያታዎ ኑ ዳከንቲያኮ ፔና ጋዓዞንሢ ዛጊ ዲማሲ ሉኡዚ ዔያታ ማዔሢ ኔ ዔሬሢያ ታ ዔራኔ። 3 ዬያጉዲ ጊቢ ዳንዳዒ፡ ኔኤኮ ዶዲያና ታ ሱንያር ቤልፃዲያዎ ዶዲ ሜታሢ ኔ ዔኮሢ ታ ዔራኔ። 4 ጋዓንቲ ፔቲ ታ ኔኤኮ ቦሃ ባኣዚ ዓኣኔ፤ ዬና ዓይጎዳይ ጌዔቲ ኔኤኮ ቤርታኣ ናሹሞ ኔ ሃሺኔ፤ 5 ዓካሪ ኔ ሃኣዒ ሎኦማንዳሢኮ ቤርታ ዎካ ኔ ዓኣቲያ ማሊ ጳቂሢ፡ ጎሞዎ ኔኤኮ ቡኡፃ፤ ቤርታ ማዳሢጉዲ ማዶ፤ ዬያ ቢያ ኔ ማዲባኣቲ ታ ኔ ኮይላ ሙካንዳኔ፤ ጎሞዎ ኔ ቡኡፃባኣቲ ፖዎ ጌሦ ሻርኖ ቤዛፓ ታ ኔኤኮ ሺኢጳንዳኔ። 6 ጋዓንቲ ታ ኔና ሄርሻ ፔቲ ባኣዚ ዓኣኔ፤ ዬና፡ ታኣኒ ዒፃ፡ ኒቆላ ዓሶኮ ማዶ ኔኤኒያ ዒፃሢኮ።»

7 «ሺኢጲያ ማኣሮ ዓሶም ዓያና ጋዓ ባኮ ዎይዛ ዎይዚ ዓኣሢ ዎይዞንጎ! ያሎና ባሺሢ ጾኦሲ ኮሺ፡ ኮዙ ቤዛ ዓኣ ሺምፖ ዒንጋ ሚፃሢ ዓኣፖ ታ ሙኡዛንዳኔ።»

ሴሜርኔሴ ሺኢጲያ ማኣሮም ከኤዚንቲ ባኣዚ

8 ሃሣ ዒዚ ከኤዛዎ፡- «ሴሜርኔሴ ሺኢጲያ ማኣሮ ከኢታንቻሢሞ ሂዚ ጌዒ ጻኣፔ፤

«ሃይ ዓይፃሢና ጋፒንፃሢና ማዔያ ሃሣ ሃይቁዎዎ ሺምፖና ዓኣያ ማዔሢ ከኤዜያኮ፤ 9 ኔኤኮ ሜታሢና ማንቃቶና ታ ዔራኔ፤ ያዲ ማዔቲያ ኔ ያርጎቹኮ፤ ዓይሁዳ ዓሲቲዎዎ ሉ ዓይሁዳኮ» ፔና ጋዓ ዓሶንታ ፃላሄ ዓሲ ማዔ ዓሶንታ ሱንያ ኔኤኮ ፑርቲሳሢ ታ ዔራኔ፤ 10 ኔና ሄላንዳ ሜታሢ ዒጊጨጊ፤ ሃኣዛጉዎቲ ፃላሄ ዒንሢ ዎይታቲያ ዛጋኒ ዒንሢዳፓ ፔቲ ፔቲ ዓሶ ቲኡሲ ማኣሪ ጌልዚ ቲከሴም፡ ታጾ ከሊ ዒንሢ ሜታዳንዳኔ፤ ጋዓንቲ ሃይቢ ሄላንዳኣና ጉሙርቁንታያ ማዔ፤ ቦንቹ ዒንጎ ባኣዚ ማሂ ዒንጊንታ ናንጎ ታ ኔኤም ዒንጋንዳኔ።

11 « ሺኢጲያ ማኣሮም ዓያና ጋዓ ባኮ ዎይዛ ዎይዚ ዓኣሢ ዎይዞንጎ! ያሎና ባሺሢ ላምዓሳ ሃይባ ዎኦታንዳ ባኣዚ ባኣሴ» ጌዔኔ።

ጴርጋሞኔ ሺኢጲያ ማኣሮም ከኤዚንቲ ባኣዚ

2:7 2:7 ማዢ. ማፃ 2:9፤ ሂዚ. 28:13፤ 31:8። 2:8 2:8 ዒሲ. 44:6፤ 48:12፤ የሃ. ያፔጳ 1:17፤ 22:13። 2:11 2:11 የሃ. ያፔጳ 20:14፤ 21:8።

12 ሃሣ ዒ ኬኤዛዎ፡- «ጳርጋሞኔ ሺኢጲዎ ማኦር ኪኢታጎቻሣሣ ሂዚ ጌዒ ፃኣፔ፤

«ሃይ ላሞዎ ዛላ ዋርቁጎቴ ጨጎቾ ዓፓር ዓርቁሣ ኬኤዜያኬ፤
13 ኔኤኒ ፃላሄኮ ካኣቱሞ ያይታ ዓኣ ቤዛ ዓኣሣ ታ ዔራኔ፤ ያዲ ማዔቴያ ታ ሱጎዎ ደዲ ኔ ዓርቁኔ፤ ካኣኸዋ ኔ ሃሺባኣሴ፤ ሃሣ ታኣኮ ጉሙርቁጎታ ማርካ ማዔ ዓጎቲጲሴ ዬያ ፃላሄ ካኣታዳ፡ ዒጎሣ ካታማ ዋዲጎቴ ዋደናታዎ ኔ ታና ጉሙርቁዎ ሃሺባኣሴ። 14 ያዲ ማዔቴያ ታ ኔኤኮ ቦሃ ፔቴ ፔቴ ባኣዚ ዓኣኔ፤ ዬና ዓይጎዳይ ጌዔቴ ባኣላኣሜ ጎዎሣኮ ዔርዚያ ዓርቁ ፔቴ ፔቴ ዓሲ ዒጎሣ ባኣካ ዓኣኔ፤ ዬይ ባኣላኣሜ ዒሰራዔኤሌ ዴራ ሜሌ ካኣሺሞ ሹኪጎቴ ዓሽኮ ሙዓጎዳጉዲና ማቾ ሃሣ ዓኒ ማዒባኣያና ላሃ፡ ዳቢጎታጎዳጉዲ ማሆሞ ጌዒ ባኣላኣቁ ጎዎሣ ዒ ዘሬ ዘርኬ። 15 ዬያጉዲ ሃሣ ኒቆላ ዓሰኮ ዔርዚያ ዓርቁ ዓሲያ ዒጎሣ ባኣካ ዓኣኔ፤ 16 ዬያር ጎሞ ኔኤኮ ቡኡፃ! ሃጎጎ ቡኬና ታ ኔ ኮይላ ሙኪ፡ ታ ዳጎጋፓ ኬሰካ ጨጎቾ ዓፓርና ታ ዔያቶ ጫርጋጎዳኔ።

17 «ሺኢጲዎ ማኦርሞ ዓያና ጋዓ ባኮ ዋይዛ ዋይዚ ዓኣሣ ዋይዘጎጎ! ያሎና ባሽሣሣ ዓኣቹ ጌሦና፡ ማና ጌይጎታ ሙዎ ታ ዒጎጋጎዳኔ፤ ሃሣ ጎጎሣ ዓኪ ሱጎሣ ጌዳ ፃኣፔጎጎቴ፡ ቡኤሬ ሹቹ ታ ዒዛሞ ዒጎጋጎዳኔ፤ ዬኖ ዔኬ ዓሣዳፓ ዓታዛ ሜሌ ያኢያ ዬኖ ሱጎፃሎ ዔራጎዳያ ባኣሴ» ጌዔኔ።

ቲያዒርኔ ሺኢጲዎ ማኦርሞ ኬኤዚጎቴ ባኣዚ

18 ሃሣ ዒ ኬኤዛዎ፡- ቲያዒርኔ ሺኢጲዎ ማኦር ኪኢታጎቻሣሣ ሂዚ ጌዒ ፃኣፔ፤

«ሃይ ዔኤታ ታሚ ማላ ዓኣፒ ዓኣያ፤ ሃሣ ታሚዳ ዓገ፡ ገልፒ ዘቂሶና ዓጎገ ማላ ቶኪ ዓኣ፡ ያኦሲ ናዓሣ ኬኤዜያኬ፤ 19 ታ ኔኤኮ ማዳ፡ ናሹሞ፡ ጉሙርቁዎ ሃሣ ኔኤኒ ዔኤዒ ማዳ ማዳጎታ ገቢ ዳጎዳዒ ደዲያጎታ ዔራኔ፤ ቤርታኣሰካፓ ሃሣ ኔ ባሽ ማዳሣያ ታ ዔራኔ። 20 ጋዓጎቴ ፔቴ ታ ኔኤኮ ቦሃ ባኣዚ ዓኣኔ፤ ዬና፡- «ያኦሲ ማላሣ ታ ኬኤዛያኬ» ጋዓ ላኣሌሎ፡ ዔልዛቤሎኮ ማዳ ኔ ዛገ ዚቲ ጌዔኔ፤ ዒዛ ጋዓጎቴ ታኣሞ ማዳ ዓሳ ማቾ ሃሣ ዓኒ ማዒባኣያና ላሃጎዳጉዲና ሜሌ ካኣሺሞ ሹኪጎቴ ዓሽኮ ሙዓጎዳጉዲ ዔርዚሣና ዓሰ ዳቢሼኔ። 21 ዒዛ ጎሞ ፔኤኮ ቡኡፃጎዳጉዲ ቤሲ ታ ዒዛሞ ጌሣኔ፤ ዒዛ ጋዓጎቴ ጎሞ ፔኤሲ

2:14 2:14 ፓይ. ማፃ 22:5፤ 7፤ 31:16፤ ላሚ. ሞፃ 23:4፤ ፓይ. ማፃ 25:1-3።
2:17 2:17 ኬሲ. ማፃ 16:14-15፤ 16:33-34፤ የሃ. 6:48-50፤ ዒሲ. 62:2፤ 65:15።
2:20 2:20 1ካኣቶ. ማ 16:31፤ 2ካኣቶ. ማ 9:22፤30።

ቡኡፃኒ ኮይባኣሴ። 22 ዬያሮ ሃርጊሺ ታ ሲዞ ላይሣንዳኔ፤ ሲዞና ምላ ማዴ ፑርቶ ማዴ ቡኡፃ ሃሺባኣቴ ሲዞና ምላ ላሃ ሳሶ ቢያሣዲ ጴጌፕ ማቶ ታ ዔኪ ዬዓንዳኔ፤ 23 ሲዞና ምላ ዬያ ማዴ ሳሶ ታ ምዳንዳኔ፤ ሺኢጲያ ማኣሮ ሳሳ ቢያ ሳሲኮ ሲኔ ማላሣ ጋፒሲ ዛጊ ታኣኒ ዔራያ ማዔሣ ዔራንዳኔ፤ ሲንሣ ፔቴ ፔቴሣም ሲንሣኮ ማዴ ጎይያ ታ ሲንጋንዳኔ።

24 «ሲንሣ ቴያዒሮኔይዳ ሳኣያታያ ሃያ ፑርቶ ዔርዚያ ዔኪ ባኣዘንሣም ቢያ ዬያጉዲ ፔቴ ፔቴዘንሣ <ፃላሃኮ ሃይ ሳኣሺንቴ ማላሣኬ> ጋዓ ማሊያይዳ ጌሊባኣዘንሣም፣ ማሌ ዴኤሣ ሳይሥሣ ታ ሲንሣም ሳይሣባኬ፤ 25 ጋዓንቴ ታኣኒ ሙካዳንያ ሄላንዳኣና ሲንሣኮ ሳኣ ጉሙርቁያ ዶዲሺ ዓርቁዋቴ ታ ጋዓኔ። 26 ያሎና ባሺሣና ታኣኮ ማዴ ጋፒንሣ ሄሊሲ ዶዲ ማዴሣም ማሌ ዴሮ ዑፃ ቢታንቶ ታ ሲንጋንዳኔ፤

27 <ሲዚ ዔያቶ ሄርቁ ምይሣንዳኔ፤

ዓጨና ማዦና ማሄጉዲ ምዲ ሲ ጋኣጫንዳኔ>

ዬይ ቢታንታ ታኣኒ ታ ሳዶይዳፓ ዔኬ ጎይያጉዴያኬ፤

28 ሲ ባሻያ ማሲያ ዔርዛኒ ካሪያ ዦኦጎ ታ ሲዛም ሲንጋንዳኔ።»

29 «ሺኢጲያ ማኣሮም ሳያና ጋዓ ባኮ ምይዛ ምይዚ ሳኣሣ ምይዘንጎ!» ጌዔኔ።

3

ሴርዴሴ ሺኢጲያ ማኣሮም ኬኤዘንቴ ባኣዚ

1 ሃሣሣ ሲ ኬኤዘያ፡- ሴርዴሴ ሺኢጲያ ማኣሮ ኪኢታንቻሣም ሃዚ ጌዒ ፃኣፔ፤

«ሃይ ያኦሲኮ ላንካዎ ሳያናሣሣና ላንካዎ ዦኦጎንሣ ኩጫ ዓርቁሣ ኬኤዘያኬ፤ ማዴ ታ ኔኤኮ ዔራኔ፤ ሱንፆና ኔኤኒ ምሊኬ፤ ጋዓንቴ ኔ ሃይቁያኬ። 2 ዬያሮ ጴጩ! ኔኤኮ ማዴ ታ ያኦዛሣ ቤርታ ፒዜ ማዔም ታ ዴንቁባኣሣረ ሃይቃኒ ዑኪ ሳኣ፣ ዓቴ ባኮ ኔኤኮ ዶዲሼ። 3 ዓካሪ ቤርታ ኔ ምዚጉዴ ዔራቶ ዔኬያታቶዎ ሃሣ ምይዜያታቶ ማሊ ጳቂሣ ካፔ፤ ጎሞዎ ኔኤኮ ቡኡፃ፤ ጋዓንቴ ኔ ጴጩባኣያ ማዔቴ ዉሲጉዲ፣ ኔ ዔራፎንቴ ታ ሙካንዳኣኬ፤ ምማ ምዴ ታ ሙካንዳቴያ ኔ ዔራዓኬ። 4 ጋዓንቴ ፔኤኮ ማኣሳሣ ኪንቁሲባኣ፣ ዳካ ዳካ ሳሲ ኔኤና ምላ ሴርዴሴይዳ ሳኣኔ፤ ታኣና ምላ ዔያታ ሳኣዳንዳያ ኮይሳያታሣረ ቡኦሬ ማኣያ ማይንቴ ታኣና ምላ ሳኣዳንዳኔ። 5 ያሎና ባሺሣ ዔያቶጉዲ ቡኦሬ ሳፒላ ማይንታንዳኔ፤

3:3 3:3 ማቴ. 24:43-44፤ ሉቃ. 12:39-40፤ ዮሃ. ያፔዳ 16:15።

ሱንጾ ዒዛኮ ታኣኒ ታዓደና ኪኢታንቸናም ዔርዛንዳኔ፤ ናንጊና ናንጋ ዓሶኮ ሱንጾ ጻኣፒንቲ ዓኣ፤ ናንጎ ማጻኣፖይዳፓ ሱንጾ ታ ዒዛኮ ባይዛዓኬ።»

6 «ሺኢጲጾ ማኣሮም ዓያና ጋዓ ባኮ ዋይዛ ዋይዚ ዓኣሣ ዋይዘንጎ!» ጌዔኔ።

ፒላዴልፒያ ሺኢጲጾ ማኣሮም ኬኤዚንቴ ባኣዚ

7 ሃሣ ኬኤዛዎ፡- ፒላዴልፒያ ሺኢጲጾ ማኣሮ ኪኢታንቸሣም ሂዚ ጌዒ ጻኣፒ፤

«ሃይ ጾኦሲም ደማዴያ ሃሣ ጎኔ ማዔ፣ ካኣቲ ዳውቴ ቁልፖ ኩጫ ዓርቁሣ ኬኤዜያኬ፤ ዒዚ ቡሌሣ ጾኢያ ዋዲዋሴ፤ ዒዚ ዋዴሣ ጾኢያ ቡሉዋሴ። 8 ማዶ ታ ኔኤኮ ዔራኔ፤ ሃይሾ ጾኢያ ዋዲ ዳንዳዑዋ ቡሊንቴ ካራ ታ ኔ ቤርታ ጌሣኔ፤ ዋልቃ ኔኤኮ ዳካ ማዔሣ ታ ዔራኔ፤ ማዔቴያ ታ ቃኣሎ ኔ ካፔኔ፤ ታ ሱንጾዋ ኔ ዔራዋሴ ጌይ ሃሺባኣሴ። 9 ዓካሪ ዓይሁዴ ማዒባኣያ ኑ ዓይሁዴኬ ጋዓ ዓሶና ጻላሃ ዓሲ ማዔዘንሣና ሃሣ ሉኤቃዘንሣ ሙኪ ኔ ቶኮ ዴማ ሎኦሚ ኔኤም ዚጋንዳጉዲ ታ ማሃንዳኔ፤ ታ ኔና ናሽካያታሣ ዔያቶ ታ ዔርዛንዳኔ። 10 ጊቢ ዳንዳዓያ ማዔ ታ ኔኤም ጌዔሣ ኔ ካፔሣሮ ሳጾይዳ ናንጋ ዓሳ ዋይታቴያ ዛጋኒ ጌዒ ዓጮ ቢያይዳ ሙካንዳ ሜታሣዲፓ ታ ኔና ካፓንዳኔ። 11 ታኣኒ ዑኬና ሙካንዳኔ፤ ቦንቺ ኔኤም ዒንጎ ባኮ ጾኢያ ኔኤሲ ዔኩዋጉዲ ኔኤኮ ዓኣ ባኮ ደዲሺ ዓርቁ። 12 ጾሎና ባሺሣ ታ ጾኣዛሣኮ ጌኤኩ ማኣሮይዳ ቱርቱር ታ ማሃንዳኔ፤ ዩካፓ ዒ ዓጊጻዓኬ፤ ታ ጾኣዛሣኮ ሱንጾንታ ታ ጾኣዛሣኮ ካታሞ ሱንጾንታ ዒዛይዳ ታ ጻኣፓንዳኔ፤ ዩና ካታሜላ ጫሪንጮ፣ ታ ጾኣዛሣ ኮራፓ ኬዳንዳ ዓኮ ዩሩሳላሜኬ፤ ታኣኮዋ ዓኮ ሱንጾ ዒዛ ዑጻ ታ ጻኣፓንዳኔ።

13 «ሺኢጲጾ ማኣሮም ዓያና ጋዓ ባኮ ዋይዛ ዋይዚ ዓኣሣ ዋይዘንጎ!» ጌዔኔ።

ሎዶቂያ ሺኢጲጾ ማኣሮም ኬኤዚንቴ ባኣዚ

14 ሃሣ ዒ ኬኤዛዎ፡- ሎዶቂያ ሺኢጲጾ ማኣሮ ኪኢታንቸሣም ሂዚ ጌዒ ጻኣፒ፤

«ሃይ ጎኔ ማዔያ፣ ጉሙርቁንታያ፣ ጎኔ ማርካ ማዔያ፤ ሃሣ ጾኦሲ ማኸንታ ቢያ ዒዛ ዛሎና ማዔሣ ኬኤዜያኬ፤ 15 ኔኤኮ ማዶ ታ

3:5 3:5 ኬሲ. ማፃ 32:32-33፤ ዓይኑ. 69:28፤ የሃ. ጾፔዳ 20:12፤ ማቲ. 10:32፤ ሉቃ. 12:8። 3:7 3:7 ዒሲ. 22:22፤ ዒዮ. 12:14። 3:8 3:8 ዒሲ. 49:23፤ 60:14፤ 43:4። 3:12 3:12 የሃ. ጾፔዳ 21:2፤ ዒሲ. 62:2፤ 65:15። 3:14 3:14 ሱኡጎ. ማፃ 8:22።

ዔራኔ፤ ሺሜታቱ ሺሜ፣ ያይዲታቱና ኔ ያይዲቱቀሴ፤ ኔኤኒ ሺሜ ሃንጎ ያይዲታቱ ኮሺታዎ ዓቴኔ፤ 16 ያዲ ኔ ማዑዋዎ ጉሪ ቦልዕ ቦልዕ ጋዓያታሢረ ዳንጋጋ ታ ኔና ጨታኒከ፤ 17 ታኣኒ ያርጎቺከ፤ ሚርጌ ቆሎ ታኣኮ ዓኣኔ፤ ታኣም ፓጩ፣ ዓይጎ ባኣዚያ ባኣሴ» ኔ ጋዓኔ፤ ጋዓንቴ ኔ ሜታዳያ፣ ማንቃቶና ዓሲኮ ዋልቃ ጌላያ፣ ዔኤቢባኣ ማንቆ፣ ዓኣፒ ባይቄያ፤ ሃሣ ካሎታሢያ ኔ ኔና ዔሩቀሴ፤ 18 ኔኤኒ ያርጎጫኒ ታሞይዳ ዓገንቲ ጎኑማ ዔርቴ ዋርቆንታ ኔኤኮ ቦርጎ ካሎሞ ዓኣቻኒ ቦኦሪ ዓፒላንታ ታ ጌዳፓ ኔ ሻንቃንዳጉዲ፣ ዘጋኒያ ዓኣፖ ቲሽኮ ደኤሾ ኔ ሻንቄ ቲሽካንዳጉዲ ታ ኔና ዘራኔ። 19 ታኣኒ ናሽካዘንሢ ቢያ ሜቶ ዒንገ ጎራኔ፤ ዬያር ዶዴ፤ ጎሞዋ ኔኤኮ ቡኡ። 20 ሃይሾ ታኣኒ ካራ ዔቄ ለማኦሪ ዓሲዮ» ጌይ ዔኤሊንታኔ፤ ያኣኒያ ታኣኮ ዑኡዘ ዋይዚ ካሮ ታኣም ቡሌቱ ዒዛ ባንሢ ታ ጌሊ ዒዛና ዋላ ሙኡዚ ሙዓንዳኔ፤ ዒዚያ ታኣና ዋላ ሙዓንዳኔ፤ 21 ታኣኒ ያሎ ባሺታ ዓደና ዋላ ታ ዓደኮ ካኣቱሞ ያይታ ዴዔሢጉዲ፣ ያሎ ባሺሢያ ታኣና ዋላ ታ ካኣቱሞ ያይቶይዳ ታ ዴይሢንዳኔ።

22 «ሺኢጲዎ ማኣሮም ዓያና ጋዓ ባኮ ዋይዛ ዋይዚ ዓኣሢ ዋይዘንጎ!» ጌዔኔ።

4

ጫሪንጮይዳ ያሕሲኮ ካኣቱሞ ያይቶና ዒኢካ ሺኢቁንታ ሺኢጲዎ

1 ዬካፓ ጫሪንጮይዳ ቡሊንቲ ዓኣ ካራ ታ ዴንቄኔ፤ ዬማና ዘዬ ዑኡሲጉዲ ከኤዛ ቤርታኣ ዑኡዛሢ፡- «ሃኒ፣ ሃንጋ ከሰከ፤ ሃይፓ ሴካ፣ ቤርታ ማዓንዳ ባኣዚ ታ ኔና ዳዋንዳኔ» ታኣም ጋዓዛ፣ 2 ቤዘማና ታኣኒ ዓያና ጌኤሺ ማለሢዳ ጌሌኔ፤ ዓካሪ ዒማና ጫሪንጮይዳ ካኣታ ዴዓ ያይታ ጌሢንቲ ዓኣንቴ ታ ዴንቄኔ፤ 3 ዬኖ ያይቶይዳ ዴዒ ዓኣሢኮ ዓውካራ ሚርጌ ሚዛጳ ዒያሰጲዴና ሴርዲኖኔ ጌይንታ ሹጮ ዑዎ ማላያከ፤ ካኣቱሞ ያይቶኮ ኮይላ ሜሪጌዴ ጌይንታ ሹጮ ዑዎ ማላ ሚዛጳ ዠኡሎ ዓኣኔ። 4 ዬያጉዲ ሃሣ ካኣቱሞ ያይቶ ኮይላ ሜሌ ላማታሚ ያይዶ ካኣቱሞ ያይታ ዓኣኔ፤ ዬንሢ ያይቶንሢዳ ቦኦሪ ማኣዎ ማይንቲያ ሃሣ ቶኦኮይዳኣ ዋርቄፓ ኮሾና ቦንቾሞ ዓጎ ባኮ ዓጌ ላማታሚ ያይዶ ጋርቺ ዴዒ ዓኣኔ። 5 ካኣቱሞ ያይታሢዳፓ ዜኤሊንሢሢ ዑኡሲና ሃሣ ጉጉንሢያ ከሰከኔ፤ ሃሣ ዬያ ያይታሢኮ ቤርታ ፖዒ ፖዒ ላንካይ ያምፔ ዓኣኔ፤

3:19 3:19 ኮኣኪ. 3:12፤ ዔ.ብ. 12:6። 4:3 4:3 ሂዚ. 1:26-28፤ 10:1።

ዬያታ ለንካዎ ጾሴ ዓያኖንሠኑ። 6 ሃሣ ዬያ ያይታሠ ሴርታ ለማሌኤሽጉዲ፡ ጌኤሽኪ ጴዳ ባዚ ዓኣኔ።

ካኣቱሞ ያይቶ ኮይሎይዳ ያይዶ ዛላ ሚርጌ ዓኣፒ ዓኣ ያይዶ ዲማዲማ ማገፒንቲ ዓኣኔ። 7 ሴርታኣ ባካሠ ዘቢ ማላያ፡ ለምዓሳሠ ጌማይ ማላያ፡ ሃይሣሳሠ ጊንሣ ዓሲ ዓኣፒ ካራ ማላ ዓውካሬ ዓኣያኬ፤ ያይዳሳ፡ ጋፒንፃሠ ባራና ኮኣኬ ማላያኬ። 8 ዬንሠ ያይዶ ባከንሠኮ ላሆ ላሆ ጋኣሲ ዓኣኔ፤ ዬያቶኮ ዙሎና ጋርናይዳ ዲቢ ዓኣፒ ዓኣያኬ፤ ዔያታ ዋንቶና ሮኦሮና፡-

«ጾኦሰም ዲማዲሠላዮ! ዲማዲሠላዮ! ዲማዲሠላዮ!

ቢያ ባኣዚ ዳንዳዓ፡ ጎዳ ማዔ ጾኦዛሠላዮ!

ሃሠ ዓኣሠሩ ሚናፓኣ ናንጋሠላዮ

ሃጊያ ሙካንዳሠላዮ!»

ጋዓኔ፤ ዬያ ዔያታ ሃሹዋጋ ጋዓኔ።

9 ዬንሠ ባከንሠ ካኣቱሞ ያይቶይዳ ዴዔሠም፡ ናንጊና ናንጋሠም፤ ቦንቾ፡ ሄርሺሠ፡ ጋላታኣ ሺኢሻ ዎዶና ቢያ፡ 10 ላማታሞ ያይዶ ጋርቾንሠ ናንጎና ናንጋሠም፡ ካኣቱሞ ያይቶይዳ ዴዔሠም ጉምዓቲ ዚጋኔ፤ ዔያቶኮ ቶኦካ ዓጎ፡ ቦንቾ ባኮ ካኣቱሞ ያይቶ ሴርታ ጌሠ፡-

11 «ኑ ጎዳ ማዔ ኑ ጾኦዛሠላዮ!

ቢያ ባኣዚ ኔ ማገፍሠሮ

ቢያ ባካ ማገፒንቲሠሩ ማዔሠ፡

ኔ ማሊያና ማዔሠሮ

ቦንቾና ሄርሺሠና ዎልቄያ ኔኤም ኮይሳያኬ»

ዔያታ ጋዓኔ።

5

ማሪንቲ ማፃኣፖና ማራዓሠና ዛላ

1 ካኣቱሞ ያይቶይዳ ዴዔሠኮ ሚዛቆ ኩጫ ጋርና ዙሎናይዳ ቢያ ፃኣፒንቲያ ሃሣ ለንካይ ዔርዛ ማላታ ዑፃ ያኣኒያ ቡሉዋጉዲ ዓይሠና ማሪንቲ ማፃኣፔ ታ ዛጌኔ፤ 2 ፔቲ ዴኤፒ፡ ከኢታንቾሰኬይ ዴጊ ጌዔ ዑኡሰና፡- «ዬንሠ ዔርዛ ማላቶንሠ ቡላኒና ማፃኣፖ ቡላኒ ዳንዳዓሠ ያናዳይ?» ጋዓንቲ ታ ዛጌኔ። 3 ጋዓንቲ ጫሪንጮይዳ ሳይዳ ሃሣ ሳይኮዎ ዴማ ማፃኣፖ ቡሊ ጋርይዳ

4:5 4:5 ኬሲ. ማፃ 19:16፤ የሃ. ጾፕዳ 8:5፤ 11:19፤ 16:18፤ ሂዚ. 1:13፤ የሃ. ጾፕዳ 1:4፤ ዛካ. 4:2። 4:7 4:7 ሂዚ. 1:5-10፤ 10:14። 4:8 4:8 ሂዚ. 1:18፤ 10:12፤ ዒሲ. 6:2-3። 5:1 5:1 ሂዚ. 2:9-10፤ ዒሲ. 29:11።

ዓላ ባኮ ዛጋኒ ዳንዳዓ ዓሲ ያኑኒያ ባኣያ ማዕኔ፤ 4 ማፃኣፓሢ ቡሊ ጋር ዛጋኒ ዳንዳዓ ዓሲ ጴዲባኣያ ማዕኔሢ ታ ዴንቄ ዋድና ሚርጌና ዩኤኬኔ፤ 5 ዩማና ጋርቸንሢዳፓ ፔቴይ፡- «ዩኤኪፖ፤ ሃኣዛጌ ዩሁዳ ማኣራፓ ማዕኔ፤ ዘባሢ፤ ዳውቴ ፃጳሢ ያሎና ባሼያ ማዕኔሢ ሲዚ ማፃኣፓሢና ለንካዎ <ቡሎፓ> ጌይንቴ ማላቶንሢ ቡሊኒ ዳንዳዓያኬ» ታኣም ጌዕኔ።

6 ዩካፓ ካኣቱሞ ያይቶና ያይዶ ባኮንሢናኮ ሃሃ ጨሞንሢኮዎ ባኣካ ዋድና ማላ ማራይ ዔቂ ዓኣንቴ ታ ዛጌኔ፤ ዩያ ማራዓሢኮ ለንካይ ጉራኒና ለንካይ ዓኣፒና ዓኣኔ፤ ዩያ ታ ዓጮ ቢያ ዳኪንቴ ለንካዎ ያኦሲ ዓያናንሢኬ። 7 ማራዓሢ ሙኪ ካኣቱሞ ያይቶይዳ ዴዔሢኮ ሚዛቆ ኩጫ ዓኣ፤ ማፃኣፓሢ ዔኬኔ፤ 8 ሲዚ ማፃኣፓ ዔካማና ያይዶ ባኮንሢን ታ ለማታሞ ያይዶ ጨሞንሢን ታ ማራዓሢኮ ቤርታ ጉሞዓቲ፤ ባሊቶና ሂርኪ ጌዒ ዘጌኔ፤ ዩያ ታ ፔቴ ፔቴሢ ኩጮይዳ ጎኦላ ዔኪ ሃሃ ያኦሲሞ ዴማዴ ዓሶኮ ሺኢጲያ ማዕኔ ዑንጅ ዓርቄያ ዋርቄና ኮሾና ዔቴ ማዕኔ ዳካ ሳኣኔ ዔኪ ዓኣኔ።

9 ዔያ ታ ቤርታ ጌይንቴ ቤቂባኣ ያኦሲ ቦንቸሞ ማዓ ዓይኑሞ፡- «ማፃኣፓሢ ዔካኒና

<ቡሎፓ> ጌይንቴ ማላቶንሢያ ቡሊኒ ኔ ዳንዳዓያ ማዕኔ፤

ዋይቲ ጌዔቴ ኔኤኒ ዋዲንቴኔ፤
ኔኤኮ ሱጉያና ዴማ ዴማ ቶኦካፓ
ዴማ ሙኡቸ፣ ጌሰታ ዓሶፓ፤ ዜርፃፓ
ሃሃ ዓሲ ቢያ ባኣካፓ ዴማሲ
ዓሶ ያኦሲሞ ኔ ጊንሣ ማሂ ሻንቄኔ፤

10 ኑ ያኣዛሢማኣ ቄኤሴ ማዒ
ዔያ ታ ማዳንዳጉዲ ኔ ማሄኔ፤
ሳያይዳኣ ዔያ ታ ካኣታዳንዳኔ»

ጌዒ ጌዒ ዓይናዴኔ።

11 ዩካፓ ሃሃ ታ ዛጋያ ካኣቱሞ ያይቶና ያይዶ ባኮንሢና ጨሞንሢናኮ ኮይላ ሚርጌ ኪኢታንቸኮ ዑኡሲ ታ ዋይዜኔ፤ ዩያቶኮ ሚርጉማ ሚርጌ ሺያፓ ዑሣ ሃሃ ፓይዲንታኒያ ዳንዳዒንቴዋያኬ፤

12 ዩያ ታ ዴኤፒ ዑኡሲና፡-

«ዋዲንቴ ማራዓሢሞ ዋልቄ፤ ቆሎ»

5:5 5:5 ማኸ. ማፃ 49:9፤ ዒሲ. 11:1፤ 10። 5:6 5:6 ዒሲ. 53:7፤ ዛካ. 4:10።
5:8 5:8 ዓይኑ. 141:2። 5:9 5:9 ዓይኑ. 33:3፤ 98:1፤ ዒሲ. 42:10። 5:10
5:10 ኬሲ. ማፃ 19:6፤ የሃ. ያፔዳ 1:6። 5:11 5:11 ዳኣኔ. 7:10።

ዔራቶ፣ ደዲሞ፣ ቦንቾንታ ሄርሺሢንታ

ጋላታንታ ኮይሳያኬ» ጌይ ዓይናዳኔ።

13 ዬካፓ ጫሪንጮና ሳያናይዳ፣ ሳያኮዋ ደማ ሃሣ ዴኤፖ ባዘናይዳ፣ ዬያ ባኮ ቢያይዳ ዓኣ ማዢንታ ቢያ፡- «ካኣቱሞ ያይቶይዳ ዴዔሢና ማራዓሢናሞ

ጋላታ፣ ቦንቾ፣ ሄርሺሢንታ ዋልቄንታ

ናንገና ማዖንጎ» ጌይ ዓይናዳንቱ ታ ዋይዘኔ።

14 ያይዶ ባኮንሢያ «ዓኣሜን» ጌዔኔ፤ ጋርቾንሢ ጊንሣ ባሊቶ ሳያ ባንሢ ሂርኪዲ ጉሞዓቲ ዘጌኔ።

6

«ቡሎፖ» ጌይ ዓይሦና ዔርዘ ማላቶንሢኮ ቡሊንቲያ

1 ዬካፓ ማራዓሢ ላንካዋ «ቡሎፖ» ጌይ ዓይሦና ዔርዘ ማላቶንሢዳፓ ቤርታሳዘ ቡላንቲ ታ ዛጌኔ፤ ዒማና ያይዶ ባኮንሢዳፓ ፔቲሢ ጉጉንሢጉዴ ዑኡሲና «ሃኒ ዬዔ!» ጋዓንቲ ታ ዋይዘኔ። 2 ዒማና ቦኦሬ ፓር ታ ዴንቄኔ፤ ዬያ ፓራሢ ዓኣዛ ዓርቄ ዓሲ ቶጊ ዓኣኔ፤ ዒዛሞ ቦንቾር ቶኣካ ዓጎ ባካ ዒንጊንቲኔ፤ ዒዚያ ያሎና ባሻያ ማዔ ባሺ ባሺ ዓኣዳኒ ኬሰኬኔ።

3 ማራዓሢ ላምዓሳ ዔርዘ ማላቶ ቡሎ ዋዶና ላምዓሳ ባካሢ «ሃኒ ዬዔ!» ጋዓንቲ ታ ዋይዘኔ። 4 ሃሣ ሜሌ ሱጉሢጉዲ ዙቄ ፓራ ኬሰኬኔ፤ ዬያ ቶጌሢሞ ሳያይዳ ኮሺ ናንጊ ባይዛንዳጉዲና ዓሲ ዋሊ ዋዳንዳጉዲ ማሃንዳ ቢታንቶ ዒንጊንቲኔ፤ ዴኤፒ ጩንቻ ዓፓርዋ ዒዛሞ ዒንጊንቲኔ።

5 ማራዓሢ ሃይሣሳ ዔርዘ ማላቶ ቡሎ ዋዶና ሃይሣሳ ባካሢ «ሃኒ ዬዔ!» ጋዓንቲ ታ ዋይዘኔ፤ ዒማና ታ ሃሣ ካርሢ ፓር ዴንቄኔ፤ ዬያ ፓራሢ ቶጌሢ ኩጫ ዴኤሡሞ ዔርዘ ባኣዚ ዔኪ ዓኣኔ። 6 ዬካፓ ያይዶ ባኮንሢ ባኣካፓ ዑኡሲጉዴ ባኣዚ ታኣም ዋይዘንቲያ ማሌኔ፤ ዬና ዑኡዛ «ዛላ ኪሎ ማዓ ዛርጌ ፔቲ ኬሊ ማዶና ማዶ ዛላ ዒንጊንታያ፣ ፔቲ ኪሎና ዛላና ማዓ ዔልዓ ዬኖ ጎይያ ፔቲ ኬሊ ማዶ ማዶም ዒንጊንታያ ማዖም፤ ዛይቶና ዋይናፓ ኮሻና ዑዠና ጋዓንቲ ፑርቲሲ፣ ባይዘፖ» ጋዓንቲ ታ ዋይዘኔ።

7 ማራዓሢ ያይዳሳ ዔርዘ ማላቶ ቡሎ ዋዶና ያይዳሳ ባካሢ «ሃኒ ዬዔ!» ጋዓንቲ ታ ዋይዘኔ፤ 8 ዬማና ጋላፒ ፓር ታ ዴንቄኔ፤ ዬያ ቶጊ ዓኣ፣ ዓሢኮ ሱንፃ ሃይቢ ጌይንታያኬ፤ ዒዛኮ ጊንፃ ዓርቄ ሃይቄ ዓሳ ኬዳ ቤዛ ሙኪ ሙኪ ዓኣኔ፤ ዔያቶም ሳያኮ ዛሎኮ ዛሎ ያልዘና፣

6:2 6:2 ዛካ. 1:8፤ 6:3፤ 6:። 6:4 6:4 ዛካ. 1:8፤ 6:2:። 6:5 6:5 ዛካ. 6:2፤ 6:።

ናይዚና፡ ፑርታ ዶርዖና ሃሣ ካይዚ ቦዖና ወዲሺ ባይዛንዳጉዲ ቢታንቶ ዲንጊንቴኔ።

9 ደንጋሳ ዔርዛ ማላቶ ዒ ቡሌ ወዶና ያኦሲ ቃኦሎና ዔይታ ማርካፎ ማርካቶ ዛሎናሮ ጌይ ወዶና ዓሶኮ ሺምፓሢ ያኦሲም ዲንጊ ካኦሽኮ ቤዘኮ ዴማ ዓኣንቴ ታ ዴንቄኔ፤ 10 ዔይታ ደጊ ጌዔ ዑኡሲና፡- «ዲማዴያ ሃሣ ጎኔ ማዔያ፡ ቢያሢኮ ዑፃ ማዔ ጎዳሢየ! ሳይይዳ ዓኣ ዓሶይዳ ኔ ወጉወኣሢና ኑ ሱጉያ ዛሎዋ ኮሞ ኔ ዔኩወኣሢ ወማ ሄላንዳኣናዳይ!» ጌዒ ጌዒ ዒላታኔ። 11 ዩካፓ ፔቴ ፔቴዘንሢም ቦኦሬ ማኣዓ ዲንጊንቴኔ፤ ሃጊ ዔይቶጉዲ ወዶንዶ፡ ያኦሲም ማዳያ ማዔ፡ ዔይቶኮ ላጎ ሃሣ ዒሾንሢ ማዔዘንሢኮ ፓይዳ ኩማንዳያ ሄላንዳኣና ደካ ዔይታ ጊቢ ዳንዳዒ ዴዓንዳጉዲ ዔይቶም ኬኤዚንቴኔ።

12 ዩካፓ ማራዒሢ ላሃሳ ዔርዛ ማላቶ ቡላንቴ ታ ዛጌኔ፤ ዩማና ሳዓ ማርጌና ዓጊጭኔ፤ ዓባ ካርሢሢ ዓፒላጉዲ ካርታዛ ዓጊና ጉቤና ሱጉሢጉዲ ዘቄኔ፤ 13 ዴኤፒ ዠባሬ ቤሌሴ ሚያ ዓጊሣ ወዶና ካዲባኣ ዓኣፓ ሚፃፓ ዲኢናሢጉዲ ጫሪንጮ ዠኦጋሢያ ዲኢኔኔ።

14 ጫሪንጫ ማሪንቴ ማፃኣፖጉዲ ማዒ፡ ማርቲ ዴንዴኔ፤ ሃሣ ዲኮንታ ወኣያ ሳዛ ዓኣ ዓጫ ዓኣ ቤዛፓ ሺኢኪ ባይቄኔ። 15 ዓጮኮ ዲማ ዲማ ካኣታ፡ ወይሣ ዓሳ፡ ፖኦሊሶ ዓይሣ ዓሳ፡ ዖርጎጮ ዓሳ፡ ደደ ዓሳ፡ ዴማ ማዒ ማዳ ዓሶንታ ማዲሻ ዓሶንታ ቢያ ዴኖ ባኣካ ዓኣ ዔቶና ዲኮና ሃሣ ላሎ ቆኦፖናይዳ ዓኣሺንቴኔ፤ 16 ዩካፓ ዲኮና ላሎናም፡- «ኑ ዑይይዳ ደዑዋቴ! ካኣቱሞ ያይቶይዳ ዴዔሢና ማራዒሢኮ ጎሪንታፓ ኑና ዓኣቶዋቴ! 17 ዓይሳሮ ጌዔቴ ዴኤፖ ዔይቶኮ ጎሪንቶ ኬላ ሙኬሢሮ ያኣኒ ዩያኮ ቤርታ ዔቃኒ ዳንዳዓንዳይ?» ጌዔኔ።

7

144000 ዒሰራዔኤሌ ዓሶ

1 ዩካፓ ያይዶ ኪኢታንታፓ ዓጮኮ ያይዶ ዛሎና ዔቄ ዓኣንቴ ታ ዴንቄኔ፤ ዔይታ ሳይይዳ ማፃም ባዘይዳ ሃሣ ሚያይዳ ዓይጎ ዠባሬያ ዠባርሹዋጉዲ ዓጮኮ ያይዶ ዛላፓ ሙካ ዠባር ቢያላኣጊ ዓርቄኔ።

2 ሃሣ ጊንሣ ናንጊና ናንጋ ያኦዛሢኮ ዔርዛ ማላቶ ኩጫ ዔኬ፡

6:8 6:8 ሂዚ. 14:21። **6:12** 6:12 የሃ. ያፔዳ 11:13፤ 16:18፤ ዒሲ. 13:10፤ ዒዪ. 2:10፤31፤ 3:15፤ ማቲ. 24:29፤ ማር. 13:24-25፤ ሉቃ. 21:25። **6:13** 6:13 ዒሲ. 34:4። **6:14** 6:14 የሃ. ያፔዳ 16:20። **6:15** 6:15 ዒሲ. 2:19-21። **6:16** 6:16 ሆሴ. 10:8፤ ሉቃ. 23:30። **6:17** 6:17 ዒዪ. 2:11፤ ሚሊ. 3:2። **7:1** 7:1 ዔር. 49:36፤ ዳኣኔ. 7:2፤ ዛካ. 6:5።

ሜሌ ያኦሲ ከኢታንቻ ዓባ ከሰካ ዛላፓ ሙካንቴ ታ ዳንቄ፤ ሲዚያ ሳዖና ባዘና ባይዘንዳጉዲ ቢታንታ ዒንገንቴ ያይዶ ከኢታንቻንሣም ጴጌፒ ዑኡሲና፡- 3 «ኑ ያኦሳሣም ማዳ ዓሶኮ ባሊቶይዳ ዲማሲ ዔርዘ ማላቶ ኑ ዓይሣንዲያ ሄላንዳኣና ሳዖ ማዔቴያ ባዘ፤ ሃሣ ሚዖዋ ዔኤቢ ዋኑቲፖቴ» ጌዔ፡፡ 4 ዔርዘ ማላቶ ዓይሣንቴ ዓሶኮ ፓይዶ ታ ዋይዜ፤ ዬያታ ዒሰራዔኤሌ ፃጶ ቢያይዳፓ ማዔያ ፄኤታና ያይዲታሚ ያይዶ ሺያ ዓሲኬ፡፡ 5-8 ዪሁዳ ፃጶፓ፡ ሮኦቤኤሌ ፃጶፓ፡ ጋኣዴ ፃጶፓ፡ ዓሰኤሬ ፃጶፓ፡ ኒፐታኣሌኤሜ ፃጶፓ፡ ሚናኣሴ ፃጶፓ፡ ሲሞኦኔ ፃጶፓ፡ ሌዊ ፃጶፓ፡ ዪሳኮኦሬ ፃጶፓ፡ ዛብሎኦኔ ፃጶፓ፡ ዮሴፔና ቢኢኒያሚና ፃጶፓ፤ ዬያ ፔቴ ፔቴሣ ፃጶፓ ታጶ ላምዖ ሺያ፡ ሺያ ዓሲም ማላታ ዓይሣንቴ፡፡

ቦኦሬ ማኣዖ ማይንቴ ሚርጌ ዴሬ

9 ዩካፓ ያኦሲያ ፓይዳኒ ዳንዳዑዋ፡ ሚርጌ ዓሲ ታ ዳንቄ፤ ዬያታ ዲማ ዲማ ዴሬይዳፓ፡ ቶኦኪዳፓ፡ ዜርሣዳፓ፡ ሙኡቺ ጌሰታ ዓሲዳፓ ቡኬ ዓሲኬ፤ ዔያታ ቦኦሬ ማኣዖ ማይንቴ፡ ሜኤፄ ዒላሺያ ፔ ከጫ ዓርቂ ካኣቱሞ ያይቶና ማራዓሢና ቤርታ ዔቃዖ፡ 10 ጴጌፒ ዑኡሲና፡-

«ዳቂንታ ኑም ጴዳሣ ካኣቱሞ ያይቶይዳ ዴዔ፡ ኑ ያኦሳሣና ማራዓሢናይዳፓኬ» ጌዒ ጌዒ ዒላታ፡፡

11 ከኢታንቻ ቢያ ሃሣ ካኣቱሞ ያይቶና ጋርቻንሣና ሃሣ ያይዶ ባኮንሣኮ ዓጫ ዔቁ፡ ካኣቱሞ ያይቶ ቤርታ ባሊቶና ሂርኪ ጌዒ ያኦሲም ዚጋዖ፡ 12 ሂዚ ጌዔ፡-

«ዓኣሜን፤ ሄርሺሢና ቦንቻና ዔራቶና፡ ጋላታና ጴጌፒሲሢና ዋልቄና ደዲሞና፡ ኑ ያኦሳሣና ናንገና ማዖንጎ፤ ዓኣሜን፡፡»

13 ዬማና ጋርቻንሣዳፓ ፔቴ ታ ባንሣ ሺራዖ፡- «ሃንሣ ቦኦሬ ማኣዓሣ ማይንቴዘንሣ ያናንሣዳይ? ዓንካፓ ዔያታ ሙኡኤይ?» ጌዒ ታና ያኦጩ፡፡

14 ታኣኒያ ማሃዖ፡- «ጎዳሣዮ! ኔ ዔራኔ» ጋዓዛ፡ ዒዚ «ሃንሣ ጴጌፖ ሜታሣ ጊዴና ከሰኪ ሙኡኤዘንሣኬ፤ ዔያታ ፔኤኮ ማኣዓሣ ማራዓሣ ሱጉዖና ማሰኪ ቦኦሪሽ፤ 15 ዬያር ያኦሲ ካኣቱሞ ያይቶ ቤርታ ዋንቴና ሮኦሪና ጌኤዢ ማኣርይዳ ዒዛም ማዳ፤ ካኣቱሞ ያይቶይዳ ዴዔሣ ዔያቶ ባኣካ ማሲ ዔያቶኮ ሺባሣ ማዓንዳ፡፡ 16 ሃካፓ ሴካ ዔያታ ናይዲንታዓኬ፤ ጴጌቢያ

7:3 7:3 ሂዚ. 9:4፤ 6፡ 7:14 7:14 ዳኣኔ. 12:1፤ ማቲ. 24:21፤ ማር. 13:19፡፡

ጴጌቢንታዓኬ፤ ዓቢ ዔያቶ ሚቻዓኬ፤ ሩኡጲያ ዔያቶ ሄላዓኬ፤
17 ዓይጎር ጌዔቴ ካኣቱሞ ያይቶ ባኣካ ዓኣ ማራዓሢ ዔያቶኮ
ሄንቃሢ ማዓንዳኔ፤ ናንጎ ዓልቃ ዋኣዖ ባንሢያ ዔያቶ ዒ ዔኪ
ዓኣጳንዳኔ፤ ጾኦሲ ዔያቶኮ ዓቢያ ዓኣፓፓ ቢያ ዑጫንዳኔ» ታኣም
ጌዔኔ።

8

ቡሊንቶፓ ጌይ ዓይሦና ለንካሳዘኮ ቡሊንቲያ

1 ማራዓሢ ቡሊንቶፓ ጌይ ዓይሦና ለንካሳ፣ ባኬሎ ቡሌ ዋዶና
ጫሪንጫ ዋይዘንታ ባኣዚ ባኣያ ማዓ፣ ጳካ ዚቲዮ ጌዔኔ፤ 2 ዩካፓ
ጾኦሲ ቤርታ ዔቃ፣ ለንካዎ ኪኢታንቸ ታ ዴንቄኔ፤ ዔያቶም ዒማና
ለንካይ ዛዬ ዒንገንቴኔ።

3 ዑንጅ ጩቢሶያ ዋርቄና ኮሺንቴ ሱሢ ኩንዔ ኩጫ ዔኬ፣
ኪኢታንቸ ሙካዖ ጾኦሲም ዒንጎ ባካ ዒንገንታ ቤዘ ኮይላ ዔቃዛ
ካኣቱሞ ያይቶ ቤርታ ዓኣ፣ ዋርቄና ኮሺንቴ ጾኦሲም ዒንጎ ባኮ
ዒንጎ ቤዛ፣ ጾኦሲም ዴማጴ ዓሶኮ ሺኢጲያና ዋላ ጾኦሲ ቤርቶ
ሺኢሻንዳጉዲ ሚርጌ ዑንጅ ዒዛም ዒንገንቴኔ። 4 ዑንጅኮ
ጩባ ጾኦሲም ዴማጴ ዓሶኮ ሺኢጲያና ዋላ ኪኢታንቸሢ ኩጫፓ
ጾኦሲ ቤርቶ ኬሰኬኔ። 5 ዩካፓ ኪኢታንቸሢ ጩቢሶ፣ ሱያ ኩንያ
ዔኪ ጾኦሲም ዒንጎ ባኮ ዒንጎ ቤዛፓ ታሚ ካኣሺ ሱያ ኩንያይዳ
ኩንሢሰካፓ ሳዖ ባንሢ ኬኤራዛ ጉጉንሢና ጴጌፒ ዑኡሲና ሃሣ
ዜኤሊንሢና ዜኤሊንሢም ሳዓ ዓገጻኔ።

ኪኢታንቸ ዛያሢ ዋርቄሢ

6 ዩካፓ ለንካይ ዛዬ ኩጫ ዔኬ፣ ለንካይ ኪኢታንቸሰኬንሢ
ዛያሢ ዋርቄኒ ገኢገንቴኔ።

7 ቤርታሳ ኪኢታንቸሢ ዛያሢ ዋርቄዛ፣ ሱጉሢ ሲኢሪንቴ ሻቸና
ታሚና ሳዓ ኬዴኔ፤ ዩማና ዛላኮ ዛላ ገንሢ ማዓ ሳዓ ሚጩኔ፤
ሚያንታ ዓኣዔ ማኣቶንታኮ ዛላኮ ዛላ ማዓይ ቢያ ሚጩኔ።

8 ሃሣ ላምዓሳ ኪኢታንቸሢ ዛያሢ ዋርቄዛ ታሚ ዔኤታ፣ ጴጌፒ
ጴካ ማላ ባኣዚ ባዘይዳ ኬዳዛ ዛላኮ ዛላ ገንሢ ማዓይ ቢያ ባዘኮ
ሱጉሢ ማዓይ፤ 9 ባዘይዳ ናንጋ፣ ሺምፓ ዓኣ ባኮኮ ዛላኮ ዛላ ማዓይ

7:16 7:16 ዓ.ሲ. 49:10። 7:17 7:17 ዓይኑ. 23:1፤ ሂዚ. 34:23፤ ዓይኑ. 23:2፤
ዓ.ሲ. 49:10፤ 25:8። 8:3 8:3 ዓዋ. 9:1፤ ኬሲ. ማፃ 30:1፤ 3። 8:5 8:5 ልዋ.
ዓኬ 16:12፤ ሂዚ. 10:2፤ ኬሲ. ማፃ 19:16፤ ዮሃ. ያፔ-ጳ 11:19፤ 16:18። 8:7 8:7
ኬሲ. ማፃ 9:23-25፤ ሂዚ. 38:22።

ቢያ ሃይቄኔ፤ ሃሣ ዋኦ ያካሚሎኮዋ ዘላኮ ዘላ ገንሢ ማዓይ ቢያ ፑርቲ ጋፔኔ።

10 ሃይሣሳ ኪኢታንቻሢ ዛያሢ ዋርቃዛ ያምፔጉዲ ዔኤታ ዳኤፒ ዠኦጌ ጫሪንጫፓ ዋሮ ዋኦ ያና ዓልቃ ዋኦ ያናኮ ዘላኮ ዘላ ማዓ ገንጾይዳ ኬዳኔ። 11 ዬያ ዠኦጋሢኮ ሱንፃ «ዋላንጋ» ጌይንታያኬ፤ ዬያሮ ዋኦ ያኮ ዘላኮ ዘላ ገንሢ ማዓይ ቢያ ጫንቺ ማዔኔ፤ ዋኦ ያኮ ጫንቄያይዳፓ ዔቄያና ሚርጌ ዓሲ ሃይቄኔ።

12 ያይዳሳ ኪኢታንቻሢ ዛያሢ ዋርቃዛ ዓባንታ ዓገሎንታ ዠኦጋሢንታኮ ዘላኮ ዘላ ገንሢ ማዓይ ቢያ ዲይንቴኔ፤ ሮኦርንታ ዓገሎንታኮ ዘላኮ ዘላ ማዓ ገንጾይዳ ፖዒ ፖዑ ዋጉዲ ላኣገንቴኔ።

13 ዬካፓ ሃሣ ፔቴ ኮኦኬ ጫሪንጫ ባራናንቴ ታ ዳንቄኔ፤ ዬይ ዳኤፒ ዑኡሲና፡- «ዓቴ ሃይሃ ኪኢታንቻሢ ዛያሢ ዋርቃዛ ዋይዘንታንዳ ዑኡዞ ዛሎና ሳያይዳ ናንጋ ዓሳም ባዴዔ! ባዴዔ! ባዴዔ!» ጋዓንቴ ታ ዋይዘኔ።

9

1 ደንጋሳ ኪኢታንቻሢ ዛያሢ ዋርቃዛ፡ ዒማና ጫሪንጫፓ ሳዓ ኬዳ ፔቴ ዠኦጌ ታ ዳንቄኔ፤ ዬያ ዠኦጋሢም ዳኤፖ፡ ዒጊቻ ዔቶ * ቡሎ ቁልፔ ዒንገንቴኔ። 2 ዒዚ ዔቶ ቡሎ ዋዶና ዓንሢ ታሚፓ ኬሰካ፡ ጩቢጉዳ ጩቢ ዔታፓ ኬሰኬኔ፤ ዬይ ዔታፓ ኬሰካ ጩባ ዓባንታ ጫሪንጫንታ ቢያ ዲሚሼኔ፤ 3 ዬያ ጩቦ ባኣካፓ ዓቢሢ ሳያይዳ ኬዳኔ፤ ዬያቶም ሳያይዳ ዓኣ ኮርናሢም ዒንገንቴ ዋልቆጉዳ ዋልቄ ዒንገንቴኔ፤ 4 ሳያይዳ ዓኣ ማኣቶንታ ዋርቄ ዓኣ ዒላሸንታ ሃሣ ዲማ ዲማ ሚያ ዔያታ ካኣሙዋጉዲ ዔያቶም ኬኤዘንቴኔ፤ ጋዓንቴ ዔያታ ሜታሳንዳጉዲ ጌይንቴሢ ባሊቶይዳ ያኦሲሮ ማዒያ ዔርዛ ማላታባኣ ዓሳኬ። 5 ዬያቶ ዶንጎ ዓገኒ ሌሊ ሜታሳንዳጉዲ ማዓንዳኣፓዓቴም ዋዳንዳጉዲ ዋልቄ ዒንገቦኦኤ፤ ዔያታ ሜታሳንዳ ጎይያ ኮርና ዓሲ ዲዓዖ ሜታሳሢ ጎይያ ሜታሳንዳጉዲኬ። 6 ዬንሢ ኬሎንሢዳ ዬና ዓሳ ሃይቃኒ ኮዓንዳኔ፤ ጋዓንቴ ዔያቶም ማዓዓኬ፤ ሃይቢ ዔያታ ሱኡካዳንዳኔ፤ ጋዓንቴ ሃይቢ ዔያቶ ኮይላፓ ዳንዲ ባይቃንዳኔ።

8:10 8:10 ዒሲ. 14:12። **8:11** 8:11 ዓር. 9:15። **8:12** 8:12 ዒሲ. 13:10፤ ሂዚ. 32:7፤ ዒዲ. 2:10፤ 3:15። * **9:1** 9:1 ዳኤፖ፡ ዒጊቻ ዔቶ፡ ጌይዖ ሳኮ ዴማ ፃላሆ ዓያና ጋፒንጾ ዋጎ ኬሎ ሄላንዳኣና ዴዒ ዓኣ ቤዞኬ። **9:2** 9:2 ማኸ. ማፃ 19:28። **9:3** 9:3 ኬሲ. ማፃ 10:12-15። **9:4** 9:4 ሂዚ. 9:4። **9:6** 9:6 ዒዲ. 3:21፤ ዓር. 8:3።

7 ዓቢፃ ያልዘም ገእጌ ፓሮ ማላኔ፤ ዔያቶኮ ቶኦኮይዳ ዓጎያ፤
 ዋርቁና ኮሺንቴ ቦንቸሮ ዓጎ ባካ ዓኣኔ፤ ዓኣፖ ካራ ዔያቶኮ ዓሲሮ
 ማላያኬ፤ 8 ዔያቶኮ ቶኦኮ ጋፓና ላኣሊሮ ማላኔ፤ ዓጫ ዔያቶኮ
 ዘቢ ዓቺ ማላያኬ፤ 9 ዓንገና ኮሺንታ ያሎ ማኣዓሢ ማላ፤ ማኣዓ
 ዔያቶኮ ዓኣኔ፤ ዔያቶ ጋኣዘኮ ዑኡዛ ያልዘሮ ዓኣዳ ሚርጌ ፓሮና
 ሳርጌላ ያይታናኮ ካኣኒ ማላያኬ። 10 ኮርኖጉዲ ዑንኪና ዳዓ፤
 ቤልሢ ዔያቶኮ ዓኣኔ፤ ዓሶ ዔያታ ደንጎ ዓገኒ ሜታሳንዳ ዋልቃ
 ዔያቶኮ ዑንኮይዳ ዓኣኔ። 11 ዔያቶ ዋይሣ ካኣቲ ዔያቶኮ ዓኣኔ፤
 ዒዚ ዴኤፖ፣ ዓገቻ ዔያቶኮ ኪኢታንቻሢኬ፤ ሱንፃ ዒዛኮ ዔብሬ ዓሶ
 ሙኡጮና «ዓብደኔ»፣ ገሪኬ ዓሶ ሙኡጮና «ዓጲሎኔ» ጌይንታኔ፤
 ዬና ጌይፃ «ባይዛ» ጌይሢኬ።

12 ቤርታሳ ሜቶ ዋዳ ጋፔኔ፤ ዓካሪ ሃሣ ሜሌ ላምፃ ሜቶ ዋዳ
 ሙካንዳኔ።

13 ላሃሳ ኪኢታንቻሢ ዛያሢ ዋርቃዛ፣ ያኦሲ ቤርታ ዓኣ ዋርቆና
 ኮሺንቴ ያኦሲም ዒንጎ ቤዘኮ ያይዶ ዛላ ዓኣ፣ ጉራኖ ማላ ባካፓ
 ዑኡሲ ኬሰካንቴ ታ ዋይዜኔ፤ 14 ዬና ዑኡዛ ዛያሢ ዔኪ ዓኣ፣
 ላሃሳ ኪኢታንቻሢም፡- «ዴኤፖ ዔፕራዒሴ ዋርይዳ ቱኡቴ፣ ያይዶ
 ኪኢታንቻሢሢ ቡሌ!» ጌዔኔ። 15 ዬኖ ኬሎና፣ ዬኖ ዋድና፣ ዬኖ
 ዓገኖና፣ ዬኖ ሌዖናም ገእገንቴ ያይዶ ኪኢታንቻሢሢ ዓሶይዳፓ
 ዛላኮ ዛላ ማዓ ዓሲ ዋዳንዳጉዲ ቱኡዛፓ ቡሊንቴኔ። 16 ፓራሢና
 ያላ ዓሶኮ ሚርጌማ ዲቢ ሺያና ፓይዲንታያ ኮሺ ዲቢታሢ ፓይዶ
 ታ ዔያቶኮ ዋይዜኔ። 17 ፓራሢና ፓራሢ ቶገ ዓኣ ዓሶና ያኦሲ ታና
 ዳዌም ታኣኒ ዛጋንቴ ያዲኬ፡- ዳዳ ዔያቶኮ ያሎሮ ዔያታ ማኣዔ
 ባካ ታሚጉዲ ዘቁ ሃሣ ጮልዔ ገንሣ ጨኢጮ ቡኒጉዲ ጋላፒኬ፤
 ፓሮንሢኮ ቶኦካ ዘቢ ቶኦኪ ማላያ፣ ዔያቶኮ ዳንጋፓ ታሚና ጨቢና
 ዓንሢ ጂኢሊጉዴ ጂኢሊያ ኬሰካኔ፤ 18 ዔያቶኮ ዳንጋፓ ኬሰኪ
 «ባይዘም» ጎያና ባኮና ጌይፃ፡- ታሞና ጨቢና ሃሣ ጂኢሎና ዓሶኮ
 ዛላኮ ዛላ ገንሢ ማዓያ ቢያ ዋዴኔ። 19 ፓሮንሢኮ ዋልቃ ዔያቶኮ
 ዳንጎና ዑንኮናይዳኬ፤ ዑንካ ዔያቶኮ ሾኦሺ ማላኔ፤ ሃሣ ሾኦሺ
 ቶኦኪጉዴ ቶኦኪ ዔያቶኮ ዓኣኔ፤ ዓሶ ዔያታ ሜታሲ ዋዳሢ ዬያናኬ።

20 ዬንሢ «ባይዘም» ጌይንቴ ባኮንሢ ዋዲዋንቴ ዓቲ ዓሳ ፔኤኮ
 ማዴ ፑርቶ ማዶ ቡኡዒ ሃሺባኣሴ፤ ዬይያ፡- ፃላሄንታ ዋርቁይዳፓ፣
 ቢራ ዓንገዲፓ፣ ሞኦኖ ዓንጋፓ፣ ሹቺፓ ሃሣ ሚሢፓ ኮሺንቴያ፣
 ዛጋኒያ ዋይዛኒያ፤ ሃሣ ዓገዒ ሃንታኒያ ዳንደዑዋ ካኣሽኮ ባኮንታ

9:7 9:7 ዓ.ዲ. 2:4። 9:8 9:8 ዓ.ዲ. 1:16። 9:9 9:9 ዓ.ዲ. 2:5። 9:13
 9:13 ኬሲ. ማፃ 30:1-3።

ዔያታ ካአሽኪያ ሃሺባአሴ ጌይሢኬ። 21 ዔያጉዲ ሃሣ ሸምፖፖ ወዲሢ። ማርሻ ማርሺሢ። ማቾ ሃሣ ዓኒ ማዒባአያና ላሂሢ። ዉሱሞ፤ ዔያ ባኮ ዔያታ ቡኡዲ ሃሺባአሴ ጌይሢኬ።

10

ኪኢታንቻሢና ዳኮ ማሪንቴ ማፃኣፔሎና

1 ዔካፓ ሃሣ ሻኣሬ ማይንቴያ፡ ማሌ ዴኤፒ ኪኢታንቻ ጫሪንጫፓ ኬዳንቴ ታ ዴንቄኔ፤ ዒዛኮ ቶኦኮ ባጮ ሺሬ፡ ዠኡሎ ዓኣኔ፤ ዔያኮ ዓኣፖ ካራ ዓቢጉዴያ፡ ቶካ ዒዛኮ ሃሣ ቱርቴሪጉዲ ዔቄ ታሚ ማላያኬ፤ 2 ዒዚ ኩጮይዳ ዳካ ቡሊንቴ ዓኣ፡ ማሪንቴ ማፃኣፔ ዔኪ ዓኣኔ፤ ዒማና ዒ ሚዛቆ ቶኮና ባዘይዳ፡ ሻውሎ ቶኮና ሳይይዳ ሄርቂ ዔቄ ዓኣኔ፤ 3 ሃሣ ዒ ዘቢ ዑኡሲ ማላ፡ ዳኤፒ ዑኡሲና ዒላቴኔ፤ ዒዚ ዒላታዛ ላንካዎ ጉጉንጾንሢ ፔ ዑኡዘና ዑኡዘና ጌሰቴኔ። 4 ዔያታ ፔ ዑኡዘና ጌሰቴ ወዶና ታኣኒ ፃኣፓኒ ማሌኔ፤ ጋዓንቴ፡ «ላንካዎ ጉጉንጾንሢ ጌሰቴ ባኮ ዓኣቺ ዓርቄ፤ ፃኣፒፖ» ጋዓ ዑኡሲ ጫሪንጫፓ ታ ወይዘኔ።

5 ዔካፓ ባዘና ሳይይዳ ሄርቂ ዔቄ ዓኣንቴ ታ ዛጌ ኪኢታንቻሢ ፔኤኮ ሚዛቆ ኩጮ ለካ ጫሪንጫ ባንሢ ዔቄሳዎ፡ 6 ዒዚ ናንጊና ናንጋሢ፡ ጫሪንጫና ሳዎና ባዘና ዔያቶይዳ ዓኣ ባኮ ቢያ ማዜ ጾኦዛሢ ሱንጾና ጫኣቄኔ፤ ዒ ጫኣቄሢ፡ «ዓካሪ ማይ ኔጋዓኬ! 7 ጋዓንቴ ላንካሳ ኪኢታንቻሢ ዛያሢ ዋርቃ ኬሎንሢና ጾኦሲም ማዳ፡ ዒዛ ማሊያ ኬኤዛዘንሢም ፔጋሲ ዔርዜ ሳይያና ዒዛኮ ዓኣሺንቴ ማሊፃ ኩማንዳኔ» ጌይኬ።

8 ዔካፓ ጫሪንጫፓ ታ ወይዘ ዑኡዛ፡ «ባዘና ሳይይዳ ሄርቂ ዔቄ ዓኣ ኪኢታንቻሢ ፔ ኩጫ ዔኬ፡ ቡሊንቴ ዓኣ፡ ማሪንቴ ማፃኣፔሎ ዴንዲ ዔኬ» ጌይ ላሚ ሃሣ ታኣም ኬኤዘኔ።

9 ዔማና ታኣኒ ኪኢታንቻሢ ባንሢ ዓኣዲ፡ «ዳኮ፡ ማሪንቴ ማፃኣፔሎ ታኣም ዒንጌ» ጋዓዛ፡ ዒዚያ፡ «ዔኪጋፓ፡ ዒዚ ሙዔ፤ ጎጾም ዒዛ ኔኤኮ ጫንቃንዳኔ፤ ዳንጋ ኔኤኮ ጋዓንቴ ዔኤሲጉዲ ዓኣፃንዳኔ» ታኣም ጌዔኔ።

10 ታኣኒ ዳኮ፡ ማሪንቴ ማፃኣፔሎ ኪኢታንቻሢ ኩጫፓ ዔኪ ሙዓዛ ዳንጋ ታኣም ዔኤሲጉዲ ዓኣፃኔ፤ ጊንፃፓ ታኣኮ ጎጾ ዒዛ ጫንቄኔ። 11 ዔካፓ ሃሣ፡ «ሚርጌ ዓሶ ዜርዎ ዛሎ፡ ዲማ ዲማ ዴርና

9:20 9:20 ዓይኑ. 115:4-7፤ 135:15-17፤ ዳኣኔ. 5:23። 10:7 10:7 ኬሲ. ማፃ 20:11፤ ላሚ. ዋማ 32:40፤ ዳኣኔ. 12:7፤ ዓሞ. 3:7። 10:10 10:10 ዒዚ. 2:8-33።

ዲማ ሙኡጮ ጌሰታ ዓሶና ካኣቶና ዛሎ ለሚ ሃሃ ያኦሲ ማለሂ ኬኤዛንዲያ ኔና ኮይሳኔ» ታኣም ጌይንቴኔ።

11

ለምዖ ማርካ

1 ዩካፓ ያድሱሞና ዳልጉሞና ሃሃ ዔጶና ሞርቆያ ሞኦሺ ማለ ሚሂ ታኣም ዒንጊንታዖ፡- «ዓኣዲ፡ ያኦሲኮ ጌኤዢ ማእሮና ያኦሲም ዒንጊያ ዒንጎ ቤዘና ሞርቄ፤ ሃሃ ዒኢካ ካኣሸካ ዓሶሞ ፓይዴ፤ 2 ጌኤዢ ማእሮኮ ዙላ ዓኣ ጳኦኮ ጋዓንቴ ሞርቄ፡ ሃሸ፤ ዬይ፡- ማሌ ዴሮም ዒንጊንቴ ቤሲኬ፤ ዔያታ ያኦሲም ዲማዳ ካታሚሎ ያይዲታሚ ለምዖ ዓጊኒ ጉቤ ባሺ ወይሃንዲኔ፤ 3 ለምዖ ታኣኮ ማርኮንሂ ሲዬ ፓቲሌ ማይንቴ ፔቴ ሺያና ለምዖ ጻኤታና ላሂታሚ ኬሌ ታ ማለሂ ኬኤዛንዲጉዲ ዋልቄ ታ ዔያቶም ዒንጋንዲኔ» ጌይንቴኔ።

4 ዬንሂ ማርኮንሂ ሳይዲ ጎዳ ቤርታ ዔቃ፡ ለምዖ ሪሚቶ ሚያንሂና ለምዖ ፖዖ ጌሃ ሻርኖንሂናኬ፤ 5 ያኦሲያ ዔያቶ ማኣሳንሂ ማሌቶ ታሚ ዔያቶ ዳንጋፓ ኬሰኪ ዬያቶ ሚቻንዲኔ፤ ዔያቶ ማኣሳንሂ ኮዓሂ ቢያ ሃይቃንዲ ጎይፃ ዬያይዲኬ። 6 ዔያታ ታ ማለፃ ኬኤዛ ወደንሂዲ ዒርዚ ሞርቄሞጉዲ ጨሪንጮ ዲርቃኒ ዔያቶኮ ቢታንቶ ዓኣኔ፤ ዬያጉዲ ዋኣፃ ሱጉሂ ማሂ ላኣማኒ ኮዔ ወደና ቢያ ዓይጎ ባኣዚናኣ ማዖም ሳዖ ባይዛንዲ ባኣዚና ጳርቃኒ ቢታንቶ ዔያቶኮ ዓኣኔ።

7 ዔያታ ፔኤኮ ማርካቶ ጋፒሲሂኮ ጊንፃ ዴኤ፡ ዒጊቻ ዔታፓ ኬሰካንዲ ቦዓሂ ዔያቶና ያልቲ ባሻንዲኔ፤ ሞዲያ ዔያቶ ወዳንዲኔ።

8 ሌዛ ዔያቶኮ ኮኣኪንሂና ሶድኣሜ፡ ሃሃ ጌብፃ ጌይንታ ዴኤፖ ካታሚሎኮ ዓሳ ቡካ ጳኦካ ኬኤሪንታንዲኔ፤ ዬና ካታሚላ ዔያቶኮ ጎዳሂ ሱፂንቴ ካታሚሎኬ። 9 ዲማ ዲማ ዜርፃፓ፡ ቶኣካፓ ሃሃ ዲማ ዲማ ሙኡጹቹ ጌሰታ ዓሶና ዴሮናይዲፓ ማዔ ዓሳ ሃይሃ ኬለና ዛላና ማዓንዲኣና ሌዘ ዔያቶኮ ዒኢካ ዓኣንቴ ዛጋንዲኔ፤ ሌዘ ዔያቶኮ ዲኤኪንቴሞጉዲ ላኣጊንታያ ማዓንዲኔ፤ 10 ዬንሂ፡ ለምዖ፡ ያኦሲ ማለፃ ኬኤዛዘንሂ ሳይዲ ናንጋ ዓሶ ማታሰሂሂር ሳይዲ ናንጋ ዓሳ ዔያታ ሃይቄሂር ወዛዳንዲኔ፤ ዬያ ወዛፓ ዔቄያና ዔያቶኮ ሃይሶ ኬሎ ቦንቾ ኬሌ ማሂ፡ ዋለም ዒንጎ ባኣዚያ ዒንጋንዲኔ፤

11:1 11:1 ሂዚ. 40:3፤ ዛካ. 2:1-2። 11:2 11:2 ሉቃ. 21:24። 11:4 11:4 ዛካ. 4:3፤11-14። 11:6 11:6 1ካኣቶ. ማ 17:1፤ ኬሲ. ማፃ 7:17-19፤ 1ሳሙ. 4:8። 11:7 11:7 ዳኣኔ. 7:7፤21፤ ጥሃ. ያፔዳ 13:5-7፤ 17:8። 11:8 11:8 ዒሲ. 1:9-10።

11 ሃይሠ ኬሊና ዛላና ማዕሠኮ ገንፃ ጋዓንቴ ሾምፖ ሲንጋ፣ ያኦሲኮ
 ዑኡዛ ያኦሲዳፓ ሙኪ ሌዛ ዔያቶኮ ጌሌም፣ ዔያታ ዔቁሠሮ
 ዔያቶ ዛጌ ዓሳ ሚርጌና ዒጊጩኔ። 12 ዬካፓ ላምፖ ያኦሲ ማሊያ
 ኬኤዛዘንሠ፡- «ሃንጋ ኬሰኩዋቴ!» ጋዓ ጳኤፒ ዑኡሲ ጫሪንጫፓ
 ዋይዜኔ፤ ዬማና ዔያቶኮ ሞርካ ዔያቶ ዛጋ ጎይሠ ዓኣንቴ ሻኦሬና
 ሊካ ጫሪንጩ ዔያታ ዓኣጳኔ። 13 ዒማና ሳዓ ሚርጌ ዓጊጻኔ፤
 ካታሜሎኮዋታጳይዳፓ ፔቴማ ማዓ፣ ቤዛ ቢያ ዶዒ ጋፔኔ፤ ዬያይዲ
 ዓጊጻፃና ለንካይ ሺያ ዓሲ ሃይቁኔ፤ ሃይባፓ ዓቴዘንሠ ሚርጌና
 ዓጊጩ፣ ጫሪንጩ ያኦዛሠ ጋላቴ፣ ቦንቼኔ።

14 ላምዓሳ ሜታሠ ዋዳ ጋፔኔ፤ ሃይሾ ዓካሪ ሃይሠሳ ሜታሠ ዋዳ
 ዑኩና ዬዓንዳኔ።

ኪኢታንቻሠ ዋርቁ ለንካሳ ዛያሠ

15 ለንካሳ ኪኢታንቻሠ ዛያሠ ዋርቃዛ፣ ጫሪንጩይዳ፡-
 «ዓጩ ካኣቱማ
 ኑ ጎዳሠ ማዕ ያኦዛሠና ዒዛኮ ሜሲሄናም ማዕኔ፤
 ዒዚያ ናንጊና ካኣታዳንዳኔ» ጋዓ ጳኤፒ፣ ጳኤፒ ዑኡሲ
 ዋይዚንቴኔ።

16 ያኦሲ ቤርታ፣ ካኣቱሞ ያይቶይዳ ዴዒ ዓኣ፣ ላማታሞ ያይዶ
 ጋርቾንሠ ባሊቶና ሳፖ ባንሠ ሂርኪ ጌዒ ጉምዓቴ ያኦሲም ዚጌኔ፤

17 ዔያታ ዚጋ ዋድና፡-
 «ሃሠ ዓኣያ ሚናፓ ናንጋያ
 ቢያ ባኣዚ ዳንዳዓ ጎዳ ማዕ ያኦዛሠዮ!
 ጳኤፖ ዋልቆ፣ ኔኤር ኔ ማሄሠሮ
 ሃሠ ኔ ካኣታዳሠሮዋ ኔና ኑ ጋላታኔ።

18 ሜሌ ዴራ ሚርጌና ዳጋጳኔ፤
 ሃሠ ኔ ዳጋኣ ሙኩኔ፤
 ሃይቁ ዓሰይዳ ኔ ዋጋ ዋዳኣ ሄሌኔ።
 ኔኤም ማዳ፣ ኔ ማሊያ ኬኤዛዘንሠና
 ኔኤም ዲማዴዘንሠና ሱንፖዋ ኔኤኮ ቦንቻዘንሠም
 ዳኮና ጳኤፖ ማዕዘንሠናም
 ዔያታ ማዴሠ ዛሎ ማሂ ኔ ዒንጋንዳ ዋዳ
 ሃሠ ዓጩ ባይዜዘንሠና ኔ ባይዘንዳ ዋዳ ሄሌኔ» ጌዔኔ።

11:11 11:11 ሃዚ. 37:10። 11:12 11:12 2ካኣቶ. ማ 2:11። 11:13
 11:13 የሃ. ያፔጳ 6:12፤ 16:18። 11:15 11:15 ኬሲ. ማፃ 15:18፤ ዳኣኔ. 2:44፤
 7:14፤27። 11:18 11:18 ዓይኡ. 2:5፤ 110:5፤ 115:13።

19 ዩካፓ ጩሪንጫ ዓኣ፡ ጾኦሲኮ ጌኤኩ ማኣራ ቡሊንታዛ ጋርይዳ ዒዛኮ ጩኣቁሞ ሳኣጻና ዓኣያ ማዒ ጴዴጌ፤ ዩማና ዜኤሊንሢ ዜኤሊንሢ፡ ዴኤፒ ዑኡሲ ዋይዚንቴ፡ ጉጉንሢያ ጉጉንሢ፡ ሳዓኣ ዓገፄ፡ ዴኤፒ ሻቺያ ከዴ።

12

ላኣሌሎና ዴኤፒ ሾኦኣሢና

1 ዩካፓ ዴኤፒ ሃሣ ዲቃሢ ሄርሺሳ ማላታ ጩሪንጫይዳ ጴዴጌ፤ ዒኣኣ ዓቢ ማኣጾጉዲ ማይንቴ፡ ዓገሮ ቶኪና ሄርቂ ዔቁ፡ ሃሣ ታጾ ላምጾ ዙኦጌ ቦንቸሮ ዓጎ ባኮጉዲ ፔኤኮ ቶኦኣ ዓገንገቴ ዓኣ ፔቴ ላኣሊሰከና ጴዴጌ። 2 ዒዛ ጎጲና ዓኣያታጾ ሾይቺ ዓርቁም ማታዲ ዒላቴ፤

3 ዩያጉዲ ሃሣ ማሌ ማላታ ማዔ ባኣዚ ጩሪንጫ ጴዴጌ፤ ዩይያ፡ ላንካይ ቶኦከና ታጾ ጉራጊና ዓኣ፡ ዴኤፒ ዞቁ ፑኤፒ ሾኦሺ ጴዴጌ፤ ዒዚ ቶኦኣ ቶኦኣ ላንካይ ቦንቸሮ ዓጎ ባኮ ዓገላ፤ 4 ዒዚ ፔኤኮ ዑንኮና ዛላኮ ዛላ ገንሢ ማዓ ዙኦጎ ቢያ ጩሪንጫፓ ሻቺ ዔኪ ሳዓ ከኤሬጌ፤ ዩካፓ ላኣሌላ ሾዓዛ፡ ናጾ ሙዓጊ ላኣሌሎኮ ቤርታ ዔቁ፤ 5 ላኣሌላ ዓጮ ዴሮ ቢያ ባሺ፡ ዋይሣንዳ ዓጉንቁናይ ሾዔ፤ ናዓሢ ጋዓንቴ ሌካ ጾኦሲኮ ካኣቱም ጾይቶ ባንሢ ዔውቴ፤

6 ዒማና ላኣሌላ ዓሲ ናንጉዋ ዳውሎ ዓኣሺንገቴ ዓኣዴ፤ ዒኣኣ ፔቴ ሺያና ላምጾ ጸኤታና ላሂታሚ ከሊ ኮይሳ ባኣዚ ቢያ ዒንገ ካገጉታንዳ ቤሲ ጾኦሲ ዒዞም ገኢጊሼ።

7 ዩካፓ ጩሪንጫይዳ ጾልዚ ዔቁ፤ ዒኣኣ ሚካዔኤሌ ጌይንታ ከኢታንቻሢና ዒዞም ዓይሢንገቴ ማዳ ከኢታንቻ ዴኤፒ ሾኦኣሢና ዒዞኮ ከኢታንቻና ዋላ ጾልቴሢ ዓርቁ፤ 8 ጋዓንቴ ዴኤፒ ሾኦኣሢና ዒዞኮ ከኢታንቻና ባሺንገቴ፤ ዩማፓ ጩሪንጫ ዔያቶኮ ቤሲ ባይቁ። 9 ዴኤፒ ሾኦኣሢ ሊካ ሳዓ ከኤሪንገቴ፤ ዩይ፡ ዓሶ ቢያ ዳቢሻሢ፡ ዲያቢሎኦኦ ሃሣ ገንሣ ፃላሄ ጌይንታ ሚናኣ ሾኦኣሢ፤ ዒዞና ዋላ ዒዞኮ ከኢታንቻኣ ከኤሪንገቴ።

10 ዩካፓ ፔቴ ዴኤፒ ዑኡሲ ጩሪንጫይዳ፡

«ዓካሪ፡ ዳቂሺሢና ዋልቁና
ሃሣ ካኣቱሞ ት ጾኦኣሢ ማዔ፤

11:19 11:19 የሃ. ጾጵ 8:5፤ 16:18፤ 21። 12:3 12:3 ዳኣኤ. 7:7። 12:4 12:4 ዳኣኤ. 8:10። 12:5 12:5 ዒሲ. 66:7፤ ዓይኑ. 2:9። 12:7 12:7 ዳኣኤ. 10:13፤ 21፤ 12:1፤ ዪሁ. 9። 12:9 12:9 ማኸ. ማጻ 3:1፤ ሉቃ. 10:18።

ቢታንቶዋ መሲሄም ማዕኔ!
 ዋይቲ ጌዔቴ ኑ ዒሽንሢና ኑ ሚሽንሢና
 ኑ ያኦዛሢ ቤርታ ዋንቴና ርኦሪና
 <ዔያታ ጳቤያኩ> ጌዒ ፑሽካሢ ኬኤሪንቴኑ።

11 ዔያታ ማራዒሢኮ ሱጉያና
 ሃሣ ዔያታ ማርካጴ ማርካቶና
 ያሊ ዔያታ ዒዛ ባሽኔ፤
 ፔ ሹምፓሢ ሃሣ ዔያታ ሚጩንቱዋ?
 ፔና ሃይቢም ዓኣሢ ዒንጌኔ፤

12 ዬያሮ ጫሪንጮና ዒኢካ ናንጋዞንሢዮ ዋዛጲዋቴ!
 ሳዖንታ ባዞንታ ዒንሢም ጋዓንቴ ባዴዔቴ!
 ዓይጎሮ ጌዔቴ ዲያቢሎኦኦ ዒ ማዳንዳ ዋዳ ዳካ ለሊ ዓቲሢ ዔሪ
 ጴኤፒ ዳጋና ዒንሢ ባንሢ ኬዴኔ» ጋዓንቴ ታ ዋይዜኔ።

13 ጴኤፖ ሹኦዣሢ ሳዖይዳ ኬኤሪንቴሢ ዛጋዖ ዓቲንቆ ናዒሢ
 ሹዔ ለኣሌሎ ዳውሴኔ፤ 14 ዬማና ለኣሌላ ዓሲ ናንጉዋ ዳውሎይዳ
 ዒዞም ገኢጊሸና ቤዞ ባራኒ ዓኣዳንዳጉዲ ጴኤፒ፣ ኮኦኬ ጋኣሲ
 ማላ ላምዖ ጋኣሲ ዒዞም ዒንጊንቴኔ፤ ዬይያ፡- ዒኢካ ሹኦዣሢዳፓ
 ሃኪ ሃይሣ ለዔና ዛላና ኮይሳ ባኣዚ ዒዞም ዒንጊንቴም ማታ ባኣያ
 ናንጋንዳጉዲኬ። 15 ለኣሌሎ ዲጲ ሙዓንዳጉዲ ሹኦዣሢ ዋርዚ
 ዋኣሢጉዴ፣ ጲቢ ዋኣሢ ዳንጋፓ ኬሲ ለኣሌሎ ጊንዖ ጮኦሽኬኔ።
 16 ሳዓ ጋዓንቴ ለኣሌሎ ማኣዳኒ ሹኦኪንቴ፣ ጴኤፖ ሹኦዣሢ ፔ
 ዳንጋፓ ኬሲ ለኣሌ ዋኣዖ ፀሽኬኔ። 17 ዒማና ሹኦዣሢ ለኣሌሎይዳ
 ዳጋጲ ያኦሲ ዓይሢዖ ካፓዞንሢና ዬሱሴም ጉሙርቁንታያ ማዒ
 ማርካዳ፣ ዒዞ ዜርፃፓ ዓቲዞንሢና ያልታኒ ዓኣዴኔ። 18 ጴኤፖ
 ሹኦዣሢ ባዞ ዓጫ ዓኣ፣ ማኣሻላ ዔቁኔ።

13

ባዘና ሳዖናፓ ኬሰኬ ላምዖ ቦዖንሢ

1 ዬካፓ ፔቴ ቦዖ ባዛፓ ኬሰካንቴ ታ ዛጌኔ፤ ዬያኮ ታጶ ጉራኒና
 ለንካይ ቶኦኪና ዓኣያ ማዓዛ፣ ዒዛኮ ጉራኖይዳ ታጶ ቦንቸሮ ዓጎ
 ባካ ዓጊንቴ ዓኣኔ፤ ሃሣ ዒዛኮ ቶኦኮንሢዳ ጫሽ ሱንሢ ፃኣፒንቴ
 ዓኣኔ። 2 ዬይ ታ ዛጌ ቦዓሢ ማኣኪ ማላያኬ፤ ቶካ ዒዛኮ ጋዓንቴ
 ጉዲሪ ማላ «ዲቤ» ጌይንታ ቦዖ ቶኪ ማላያ፣ ዳንጋ ሃሣ ዒዛኮ

12:10 12:10 ዓ.ዮ. 1:9-11፤ ዛካ. 3:1። 12:14 12:14 ዳኣኔ. 7:25፤ 12:7።
 13:1 13:1 ዳኣኔ. 7:3፤ የሃ. ዖፕ. 17:3፤ 7-12።

ዘቢ ዳንጋ ማላያኮ። ጴጌ ሾኦካሃ ፔኤኮ ወልቆና ፔኤኮ ካኦቱም ያይቶ ሃሃ ጴጌ ሾኦካሃ ቢታንቶም ዬያ ቦላሂም ሲንገኔ። 3 ሲዛ ቶኦኮኮ ፔቲማይዳ ወዳንዳያ ማላ ከሂ ሳኣ ታ ዛገኔ። ጋሳንቲ ዬይ ከፃ ፓፃም፣ ሳጮ ሳሳ ቢያ ዲቃቲ ሄርሺ ሄርሺ ሲዛ ገንፆ ሳኣጴ። 4 ቦላሂም ሲዚ ቢታንቶ ሲንገህረ ሳሳ ቢያ ጴጌ ሾኦካሃም ዘገኔ፤ ዔያታ ዚጋሂ፡- «ቦላሂጉዲ ማሳንዳይ ያናዳይ? ሲዛና ወላ ያልታንዳሂ ያናዳይ?» ገዒ ገዒከ።

5 ያቶርቂ ገሰታንዳያና ጫሽ ጫሽካንዳ ዳንጋ ቦላሂም ሲንገንቲ፤ ሃሃ ያይዲታሚ ላምዎ ሳገሊያ ሲዚ ቢታንቶና ማዳንዳጉዲ ሲዛም ሳይሂንቲ። 6 ሲዚ ያኦሲንታ ያኦሲ ሱንፆንታ ያኦሲ ናንጋ ቤዘንታ ሃሃ ጫሪጎጫ ናንጋዘንሂያ ጫሽከሂ ሳርቄ።

7 ያኦሲም ዲማጴ ሳሶ ሲ ያላንዳጉዲና ያሊያ ባሻንዳ ቢታንቶ ሲዛም ሲንገንቲ። ዲማ ዲማ ዜርዎ፣ ቶኦኮ፣ ዲማ ሙኡቸ ገሰታ ሳሶ፣ ዲማ ዲማ ዴር ዑፃ ቢታንቶ ሲዛም ሲንገንቲ።

8 ሳሳ ማኸንቲማፓ ሳርቃዎ ወደና ማራሳሂኮ ናንጎ ማፃኣፓ ሱንፃ ፃኣፒንቲባኣያ፣ ሳይይ ናንጋ ሳሳ ቢያ ቦላሂም ዘገ ካኣሽካንዳ።

9 «ዋይዛ ወይዚ ሳኣይ ሳኣቶ ወይዘንጎ!

10 ያኦሲያ ዲሲንታኒ ሳኣይ ሳኣቲ ዲሲንታንዳ፤
 ጩንቻ ሳፓርና ሃይቃንዳይ ሳኣቶዎ
 ጩንቻና ሃይቃንዳ።»

ዓካሪ፣ ያኦሲም ዲማጴ ሳሶኮ ገቢ ዳንዳሲያና ጉሙርቂያና ሴርታንዳሂ ዬኖ ወደናከ።

11 ዩካፓ ሃሃ ማሌ ቦዎ ሳሳፓ ከሰካንቲ ታ ዛገኔ፤ ዬያኮ ማራይ ጉራኒ ማላ፣ ላምዎ ጉራኒ ሳኣ፤ ሲ ገሰታ ጎይፃ ጴጌ ሾኦካሃ ጎይያኮ። 12 ቤርታኣ ቦላሂ ሱንፆና ጉቤ ቢታንቶ ሳኣያ ማሲ ሲ ማዳ፤ ሳያና ሳኣካ ናንጋ ሳሳ ቢያ ወዳኒ ዑኬ ከፃ ፓፃ፣ ቤርታኣ ቦላሂም ዘገ ካኣሽካንዳጉዲ ሳሶ ማህ። 13 ዬይ ላምዓሳ ቦላሂ ሳሶ ቤርታ ጫሪጎጫፓ ታሚ ኬይሳንዳያ ሄላንዳኣና ሲዛኮ ሳኣ ቢታንቶና ጴጌፒ ጴጌፒ ማላታ ዳዋ። 14 ቤርታኣ ቦላሂ ሱንፆና ሲ ማዳንዳጉዲ ቢታንቶ ሲዛም ሲንገንቲያታሂረ ሲ ዳዋ ማላቶ ዛሎና ሳሳ ናንጋ ሳሶ ቢያ ዳቢሻ፤ ሃሃ ጩንቻ ሳፓርና ከፃሶናንቲ ዳቄ፣ ቦላሂኮ ማላታ ማኸንዳጉዲ ሳሶ ሳይህ። 15 ዬያ ቦላሂም ቤርታኣ ቦላሂኮ ማላቶም ሾምፖ ሲንጋ ዑኡሲ

13:2 13:2 ዳኣኔ. 7:4-6። 13:6 13:6 ዳኣኔ. 7:8፤25፤ 11:36። 13:7 13:7 ዳኣኔ. 7:21። 13:8 13:8 ዳይኔ. 69:28። 13:10 13:10 ዓር. 15:2፤ 43:11።

ዲንጋንዳጉዲ ቢታንቶ ዲንጊንቴኔ፤ ዬይ ቢታንታ ዲንጊንቴህ ማላታ ጌሰታንዳጉዲና ዬያ ማላቶም ዘጊ ካኣሽኩዋ ዓሳ ሃይቃንዳጉዲ ማሆም ጌይኬ። 16 ዬያጉዲ ሃሣ ዳኮ ማዕቴያ ዳኤፓ፣ ያርጎጮ ዓሶ ማዕቴያ ማንቆ ዓሳ፣ ማዲሻህ ማዕቴያ ማዲ ዓሳ ቢያ ፔኤኮ ሚዛቆ ኩጮይዳታቴያ ባሊቶይዳ ማላቶ ጌሣንዳጉዲ ዓሶይዳ ዋልቃዳኔ፤ 17 ዬይ ያዲ ማዕህ ለዓህ ሱንያ ማዕ፣ ማላታ ሃሣ ጊንሣ ፓይዳባኣ ዓይጎ ዓሲያ ዔኤቢ ሻንቻኒና ሻንቃኒያ ዳንዳዑዋጉዲኬ። 18 ዬይ ዔራቶ ኮይሳያኬ፤ ዒኔና ጨንጫ ማዕህ ለዓህኮ ፓይዳ ፓይዲ ዔሮንጎ፤ ዓይጎሮ ጌዔቴ ፓይዳ ዓሲ ፓይዲ ማዕህሮኬ፤ ዬና ፓይዳ ላሆ ጭታና ላሂታሚ ላሆኬ።

14

ማራዓሂንታ ጭታና ያይዲታሚ ያይደ ሺዮ ዓሶ

1 ዬካፓ ሃሣ ማራዓሂ ጭታና ያይዲ ዔቁ ዓኣንቴታ ዛጌኔ፤ ዒዛና ዋላ ዒዛ ሱንያና ዒዛኮ ዓደ ሱያና ባሊታ ያኣፒንቴ ዓኣ፣ ጭታና ያይዲታሚ ያይደ ሺያ ዓሲ ዓኣኔ። 2 ዬናና ጫሪንጮይዳፓ ዳኤፒ ሶኦሪንታ ዋኣህ ዑኡሲ ሃሣ ዳኤፒ ጉጉንህ ማላ ዑኡሲ ታ ዋይዘኔ፤ ዬይ ታ ዋይዘ ዑኡዛ ጎኦሎ ዓይናዲ ዋርቃ ዓሳ ጎኦሎ ዋርቃዛ ዋይዘንታ ዑኡዘጉዳያኬ። 3 ካኣቱም ያይቶና ያይደ ባኮንሂና ሃሣ ጋርቻንህ ቤርታ ዬና ዲቦ ዓሳ ቤርታ ጌይንቴ ቤቁባኣያ፣ ያኦሲ ቦንቻም ማዓ ዓይኑም ዓይናዳኔ፤ ዬያ ዓይኑም ዓጮ ቢያይዳፓ ሻንቁ፣ ዳማሲ ዔኮና ጭታና ያይዲታሚ ያይደ ሺዮ ዓሶፓ ዓታዛ ሜሌ ያኣኒያ ዔሪ ጋዓኒ ዳንዳዒባኣኬ። 4 ዬያታ ኩሙህ ማዕህሮ ላኣሊና ዒኣቲባኣያኬ፤ ዔያታ ማራዓሂ ዓኣዳ ቤዘ ቢያ ዒዛ ጊንያ ዓኣዳያኬ፤ ሃሣ ዔያታ ያኦሲና ማራዓሂናኮ ቶይደ ማዓኒ ዓሶ ባኣካፓ ሻንቁ፣ ዳማሲ ዔኮና ዓሶኬ። 5 ዔያታ ሉኡዙም ሉኡቁ ዔራቆያኬ፤ ሃሣ ዔያቶ ቦሂሳ ባኣዚያ ባኣያኬ።

ሃይሃ ያኦሲ ከኢታንቻንህ

6 ዬካፓ ሳይደና ናንጋ ዴርና ዜርያና ዳማ ሙኡጮ ጌሰታ ዓሶና ዳማ ዳማ ቶኦኮናም ቢያ ናንጊና ባይቁዋ ኮዦ ሃይሶ ከኤዛኒ ኮሺ ሃይሴ ዔኪ ዓኣ፣ ሜሌ ከኢታንቻ ጫሪንጫ ባራናንቴ ታ ዛጌኔ፤ 7 ዬይ ዳኤፒ ዑኡሲና፡- «ያኦሲ ዒጊጩዋቴ፤ ሃሣ ቦንቻዋቴ፤ ዓይጎሮ ጌዔቴ ዒዛኮ ዋጎ ዋጎ ዋዳ ሄሌኔ፤ ጫሪንጮና ሳያና ባዘና ዓልቃ ዋኣያና ማዜ ያኣዛሂም ዚጉዋቴ!» ጌዔኔ።

14:1 14:1 ሂዘ. 9:4፤ የሃ. ያፔዳ 7:3። 14:5 14:5 ሶ7. 3:13።

8 ማሌ ለምዓሳ ኪሊታንቻህ:- «ፑርታ፡ ዒኢሳ ማዶ ማዶሻ፡ ማህ ዳጋጋ ዳር ቢያ ዑሹ፡ ዴኤፖ ባብሎኔ ካታሜላ ዶዔኔ! ዶዔኔ!» ጌሩ ጌሩ ቤርታኦ ኪሊታንቻህ ጊንጾ ዓኣዴኔ።

9 ሃይሣሳ ኪሊታንቻሰኬይ ሃሃ ዴኤፒ ዑኡሲና:- «ቦሳሢና ዒዛኮ ማላቶናም ዘጊ ካኣሽካህ ሃሃ ማላቶ ባለታታቲያ ኩጮ ዑፃ ዓይሄህ ቢያ፡ 10 ዓይሳ ባኣዚናኣ ሲኢሪንቲባኣ፡ ጾኦኪኮ ጎሪንቶ ዑኩ ሳንጎይዳ ኩንሃና ጎሪንቶ ዳጋጋ ዑኩ ዑሽካንዳኔ፤ ዬያጉዲ ሃሃ ጾኦም ዳማዶ ኪሊታንቻና ማራዓሢና ቤርታ ታሚና ታሚ ያኢሊናይዳ ዓጊንቲ ሜታዳንዳኔ፤ 11 ዔያቶ ሜታሳ ታሞይዳፓ ኬሰካ ጩባ ናንጊና ባይቁዎግ ጩቢ ዴዓያ ማዓንዳኔ፤ ቦሳሢና ዒዛኮ ማላቶናም ዘጊ፡ ዒዛኮ ሱንጾ ማላቶዎ ዔኪ ዓኣዘንሂኮ ቢያ ሮኦሪና ዋንቲና ሃውሾ ባኣያ ማዓንዳኔ» ጌሩ ጌሩ ሃንጎዎቶ ጊንጾ ሃሃ ዓኣዴኔ።

12 ጾኦሲ ዓይሂጾ ካፓዘንሂና ዬሱሴም ጉሙርቂንታያ ማዒ፡ ዶዳዘንሂኮ ጊቢ ዳንዳዒፃ ዔርታንዳሂ ዒኣካኪኩ።

13 ዒማና ሃሃ ጩሪንጮይዳፓ:- « ሃይካፓ ሴካ ጎዳ ዬሱሴር ማዒ ሃይቃዘንሂ ባለቲና ዓኣያኬ» ጌሩ ፃኣፔ» ጋዓ ዑኡሲ ታ ዋይዜኔ። ዓያኖ ጌኤዣ:- «ሂዮ፡ ዔያቶኮ ማዶ ዔያቶና ዋላ ዓኣዳንዳሂሮ ላቢፃፓ ዔያታ ሃውሻንዳኔ» ጋዓ።

14 ዬካፓ ቦኦሬ ሻኦሬ ታ ዛጌኔ፤ ዒማና ሻኦር ዑያይዳ ዓሲ ናዓሂ ማላ ዓሲ ዴዒ ዓኣኔ፤ ዑዚ ቶኦኮይዳ ዋርቁና ኮሽጊንቲ፡ ቦንቸሮ ዓጎ ባኮ ዓጊ ዓኣኔ፤ ኩጮይዳኣ ሃሃ ዓጩ ባኣቺ ዓርቂ ዓኣኔ። 15 ማሌ ኪሊታንቻ ሃሃ ጌኤዣ ማኣራፓ ኬሰካጾ ሻኦር ዑፃ ዴዔሂም ዴኤፒ ዑኡሲና:- «ሳዓ ጩኦርንዶያጉዲ ካፃኔ፤ ጩኦርንዶ ዋዳኣ ሄሌሂሮ ጩኦር ባኣጮና ጩኦሬ» ጋዓዛ፡ 16 ሻኦር ዑፃ ዴዒ ዓኣሂ ባኣጮ ሳጾ ባንሂ ዳካዛ ሳዓ ጩኦሪንቲኔ። *

17 ዬያጉዲ ማሌ ኪሊታንቻ ሃሃ ጩሪንጮ ዓኣ፡ ጌኤዣ ማኣራፓ ኬሰኬኔ፤ ዒዚያ ዓጩ ባኣቺ ዔኪ ዓኣኔ።

18 ማሌ ጊንሃ ታሚ ዑፃ ቢታንቶ ዓኣ፡ ኪሊታንቻ ጾኦም ዒንጊ ካኣሽኮ ቤዛፓ ኬሰካጾ፡ ዓጩ ባኣጮ ዔኪ ዓኣ ኪሊታንቻህም:- «ሳጾይዳ ዓኣ ዋይኖ ዓኣፖኮ ካፃጾ ሰያ ዔርዛሂሮ ሳጾይዳፓ ዋይኖ

14:8 14:8 ዒሲ. 21:9፤ ዔር. 51:8፤ የሃ. ጾፔጳ 18:2። 14:10 14:10 ዒሲ. 51:17፤ ማኪ. ማፃ19:24፤ ሂዚ. 38:22። 14:11 14:11 ዒሲ. 34:10። 14:14 14:14 ዳኣኔ. 7:13። 14:15 14:15 ዒዪ. 3:13። * 14:16 14:16 ሳዓ ጩኦሪንቲኔ:- ጌይንቲሂ ጋፒጾ ዋጎ ኬሎና ኪሊታንቻ ሳጾይዳ ዓኣ ዓሳ ዔኪ ጾኦሲ ቤርቶ ሺኣሻንዳሂ ዛላ ኬኣዘናያኩ።

ተቂ ተቂ ዔኬ» ጌሊ ዴኤፒ ዑኡሲና ዒላቴኑ። 19 ከኢታንቻሢ ዒማና ባኣጮ ሳዖ ባንሢ ዳኪ ዎይኖኮ ሶዮ ተቂ ተቂ ዔኬሰካፓ ያሕሲ ዳጎና ዎይኖ ሄርቂ ጨኡጳ ቤዛ ዓጌኑ። 20 ዬይ ዎይና ካታሞኮ ዙላ፡ ዎይኖ ሄርቂ ጨኡጳ ቤዛ፡ ጨኡጳጎቴኑ፤ ዬካፓ ኬሰኬ ሱጉፃ ሃይሆ ዎዳ ማዓንዳያ ሳዓፓ ዴጊ ጌዔኑ፤ ሃሣ ሱጉፃ ጎሊ ዴንዴ ዖደሱማ ሃይሆ ዪኤታ ሺያ ታኣካ ሄላያ ማዔኑ።

15

ጋፒንፖ ማዔ ባይዛ ባኮ ዔኪ ዓኣ ከኢታንቻሢ

1 ዬካፓ ማሌ ዴኤፒ ሃሣ ዲቃሢ ሄርሺሳ ማላታ ጫሪንጫ ታ ዛጌኑ፤ ዬይያ፡- ያሕሲ ዳጋ ዔያቶና ኩማያ ማዔ፡ ላንካይ ባይዛ ባኣዚ ዔኪ ዓኣ፡ ላንካይ ከኢታንቻ ታ ዛጌኑ።

2 ዒማና ሃሣ ታሚ ሲኢሪንቴያ ለማሌኤሽ ባዚ ማላያ ታ ዴንቄኑ፤ ዒኢካ ባዘ ዓጫ ቦዓሢና ቦዓሢኮ ማላቶና ሃሣ ዒዛ ሱንፆ ፓይዶ ዖሊ ባሽ ዓሳ ዔቂ ዓኣንቴ ታ ዴንቄኑ፤ ዔያታ ያሕሲዳፓ ዒንገንቴ ጎኦላ ዔኪ ዓኣኑ፤ 3 ዔያታ ያሕሲም ማዳ፡ ሙሴ ዓይኑሞና ማራዓሢናኮ ዓይኑሞ፡-

«ቢያ ባኣዚ ዳጎዳዓ ጎዳ ማዔ ያኦዛሢዮ!
ማዳ ኔኤኮ ዴኤፒ ሃሣ ዲቃሢ ሄርሺሳያኬ፤
ሚርጌ ዴሮኮ ካኣታሢዮ!
ኔኤኮ ጎይፃ ፒዜ ሃሣ ጎኔኬ።

4 ጎዳሢዮ! ኔና ዒጊጩዎያ
ሃሣ ሱንፆዎ ኔኤኮ ቦንቹዎይ ዖናዳይ?
ኔኤኒ ሌሊ ዲማዴያኬ።
ኔኤኮ ፒዜ ማዳ ፔጋዲ ዔርቴሢር
ዲቦ ዴራ ቢያ ሙኪ ኔ ቤርታ ኔኤም ዚጋንዳኔ»

ጌሊ ጌሊ ዓይናዳኑ።

5 ዬካፓ ሃሣ ዓፒላና ማዢንቴ፡ ያሕሲም ዲማዳ፡ ጌኤሺ ማኣሪ ጫሪንጫ ቡሊንቴ ዓኣንቴ ታ ዛጌኑ፤ 6 ዒማና ላንካዎ ባይዛ ባኮንሢ ዔኪ ዓኣ፡ ላንካይ ከኢታንቻ ጌኤኮ ማኣራፓ ኬሰኬኑ፤ ዬያታ ዓኣፒዳ ዲካ ቦኦሪ ማኣዖ ማይንቴ ዓኣኑ፤ ሃሣ ዳደይዳኣ ዎርቄና ኮሺንቴ ቃልሾ ቱኡቴ ዓኣኑ። 7 ዬኖና ዖይዶ ባኮንሢዳፓ ፔቴሢ ናንጊና ናንጋ ያኦዛሢኮ ዳጋ ኩሚ ዓኣ፡ ዎርቆና ኮሺንቴ

14:20 14:20 ዒ.ሲ. 63:3፤ ዔቃ. ማ 1:15፤ ዮሃ. ያፒዳ 19:15። 15:3 15:3 ኬሲ. ማፃ 15:1። 15:4 15:4 ዔር. 10:7፤ ዓይኑ. 86:9። 15:5 15:5 ኬሲ. ማፃ 38:21።

ለንካይ ዑሺ ዓንጊ ለንካዎ ከኢታንቸንሢም ዒንጊኔ፤ 8 ሃሣ ጌኤዡ ማኣራ ጾኦሲኮ ቦንቸና ዎልቆናይዳፓ ኬሰካ ጨቦና ኩሜኔ፤ ለንካዎ ከኢታንቸንሢኮ ለንካዎ ባይዛ ባኮንሢ ማዲንቲ ኩማንዳያ ሄለንዳእና ጾኦሲያ ጌኤዡ ማኣሮ ጌላኒ ዳንዳዒባኣሴ።

16

ጾኦሲኮ ዳጋ ኩሜ ለንካዎ ዑዡ ዓንጎ

1 ዩካፓ ለንካዎ ከኢታንቸንሢም ዳኤፒ ዑኡሲና፡- «ዓኣዲዎቲ! ጾኦሲኮ ዳጋ ኩሜ፡ ዑዡ ዓንጎይዳ ዓኣ ዑዡ ሳገይዳ ላኣሉዎቲ» ጌኤዡ ማኣራፓ ጋዓንቲ ታ ዋይዜኔ።

2 ዒማና ቤርታሳ ከኢታንቸንሢ ዴንዳገ፡ ዑዡ ዓንጎይዳ ዓኣ ዑዡ ሳገይዳ ላኣላዛ ቦዓሢኮ ማላቶ ዔኪ ዓኣ ዓሶና ዩያ ማላቶም ዘጊ ካኣሽካ ዓሶናይዳ ፑርታ ሜታሳ ከሢ ከዴኔ።

3 ለምዓሳ ከኢታንቸንሢ ዑዡ ዓንጎይዳ ዓኣ ዑዡ ባዘ ዋኣገይዳ ላኣላዛ፡ ዋኣገ ሃይቄ ዓሲ ሱጉሢጉዲ ካርቲ ሱጉሢ ማዔኔ፤ ባዘይዳ ዓኣ፡ ሽምፔና ናንጋ ባካ ቢያ ሃይቄኔ።

4 ሃይሣጎ ከኢታንቸንሢ ዑዡ ዓንጎይዳ ዓኣ ዑዡ ዎሮ ዋኣገንታ ዓልቃ ዋኣገንታይዳ ላኣላዛ፡ ዩይያ ሱጉሢ ማዔኔ፤ 5 ዩካፓ ዋኣገ ዑፃ ቢታንታ ዓኣ፡ ከኢታንቸንሢ፡-

«ሃሢያ ዓኣያ ሚናፓ ናንጋ ዲማዴ ጎዳሢዮ!

ሃያይዲ ኔ ዎጌሢሮ

ኔኤኒ ዒሎኬ፤

6 ዓሳ ኔኤም ዲማዴዘንሢንታ ኔ ማሊያ ከኤዛዘንሢያ

ዎዲ ሱጉያ ላኣሌሢሮ

ኔኤኒ ዔያቶ ሱጉሢ ዑሽኔ፤

ዩይ ዔያቶም ኮይሳያኬ»

ጋዓንቲ ታ ዋይዜኔ።

7 ዩያጉዲ ሃሣ ጾኦሲም ዒንጊ ካኣሽኮ ቤዘይዳፓ፡-

«ሂዮ፤ ቢያ ባኣዚ ዳንዳዒ ጎዳ ማዔ ጾኣዛሢዮ!

ኔኤኮ ዎጊፃ ጎኔ፡ ሃሣ ፒዜኬ» ጋዓ ዑኡሲ ታ ዋይዜኔ።

8 ገይዳሳ ከኢታንቸንሢ ዑዡ ዓንጎይዳ ዓኣ ዑዡ ዓባ ላኣላዛ፡ ዓባም ዓሶ ዓዳ ታሚጉዲ ሚቻንዳ ዎልቄ ዒንጊንቲኔ፤ 9 ዩያሮ ዓሳ ዴኤፒ ሩኡጲና ሚቸንቲኔ፤ ዩንሢ ባይዛ ባኮንሢ ዑፃ ቢታንቶ ዓኣ፡

15:8 15:8 ኬሲ. ማፃ 40:34፤ 1ካኣቶ. ማ 8:10-11፤ 2ጾኦሲ. ዓሃኬ 5:13-14፤ ዒሲ. 6:4። 16:2 16:2 ኬሲ. ማፃ 9:10።

ጾኦዛሂኮ ሱንጾ ዔያታ ጫሽኬኔ፤ ጎሞ ፔኤኮ ቡኡፎ፣ ዒዛ ቦንቺጾዎ ዔያታ ዒፄኔ።

10 ደንጋሳ ኪኢታንቻሂ ዑዠ ሳንጎይዳ ዓኣ ዑዠ ቦሳሂኮ ካኣቱሞ ጾይቶይዳ ለኣላዛ፣ ቦሳሂኮ ካኣቱማ ዲሚ ማዔኔ፤ ሳሳ ኮሺ ማታዲ ማታሂዳፓ ዔቁያና ዒንዲርዞ ፔኤኮ ደዓኔ፤ 11 ሃሃ ዔያቶኮ ማታዲጾና ኪፃዲጾናይዳፓ ዔቁያና ጫሪንጮ ጾኦዛሂ ዔያታ ጫሽኬኔ፤ ዔያታ ማዴ፣ ደቢንቶ ቡኡፎባኣሴ።

12 ለሃሳ ኪኢታንቻሂ ዑዠ ሳንጎይዳ ዓኣ ዑዠ ዴኤፖ ዎር፣ ዔፕራፂሴይዳ ለኣላዛ ዓባ ኬሰካ ዛላፓ ሙካ ካኣቶም ጎይሂ ማዓንዳጉዲ ዎር ዎኣፃ ሚጮኔ። 13 ዴኤፖ ሸኦዠሂ ደንጎና ቦሳሂ ደንጎና ሃሃ ለኡዙሞና ጾኦሲ ማሊጾ ኬኤዛያ ማሊሳሂ ደንጋፓ ፓንቆ ማላ፣ ሃይሃ ፑርታ ዓያና ኬሰካንቴ ታ ዛጌኔ። 14 ዔያታ ደማ ዓኪ ባኣዚ ማዴ ፃላሂ ዓያናኬ፤ ዬንሂ ሃይሃ ዓያኖንሂ ቢያ ባኮ ደንዳዓ ጾኦዛሂኮ ዴኤፖ ኬሎና ኬሰካንዳ ጾሎም ዓሶ ቡኩሳኒ ዓጮ ካኣቶ ቢያሂ ባንሂ ዓኣዳኔ።

15 «ታኣኒ ዉሲጉዲ ዔሩዎንቴ ዬዓንዳኔ፤ ካሎ ማዑዎጉዲና ካሎሞዎ ዓሲ ዛጉዎጉዲ ጴጪ ፔኤኮ ማኣዓሂ ካፓሂ ዓንጀ ዎዛ ዴንቃንዳኔ»

16 ዬንሂ ዓያኖንሂ ዓጮ ካኣቶ ቢያ ዔብሬ ዓሶ ሙኡቺና ዓርማጌዶኔ ጌይንታ ቤዞይዳ ቡኩሲ ጾሎም ገኢሺሼኔ።

17 ለንካሳ ኪኢታንቻሂ ዑዠ ሳንጎይዳ ዓኣ ዑዠ ዠባርይዳ ለኣላዛ፣ ጌኤዠ ማኣራ ዓኣ ካኣቱሞ ቤዛፓ፡- «ዓካሪ ቢያ ባካ ማዲንቲ ኩሚኔ!» ጋዓ ዴኤፒ ዑኡሲ ዎይዚንቴኔ። 18 ዒማና ዜኤሊንሂ ዜኤሊንሂኔ፣ ዴኤፒ ዑኡሲያ ዎይዚንቴኔ፣ ጉጉንሂ ጉጉንሂኔ ሃሃ ሳዓኣ ሚርጌና ዓገፄኔ፤ ዬያጉዴ ሳዓ ዓገፄሂ ዓሲ ማዠንቴማፓ ዓርቃጾ ዓገፄ ቤቁባኣሴ። 19 ዴኤፖ ካታሚላ ሃይሃ ቤሲ ዱጲ ዱጲ ፓቁንቴኔ፤ ሚሌ ዓጮ ዓሶ ካታማኣ ቢያ ዶዔኔ፤ ጾኦሲ ዴኤፖ፣ ባብሎኔ ካታሚሎ ጳቁሂ ዒዛኮ ዴኤፖ ደጎ ዑዠ ኩንሃና ዑዠ ዑሽካንዳጉዲ ዒዞም ዒንጌኔ። 20 ዎኣጾ ሳዛ ዓኣ ዓጮ ዓኣዲ ባይቁኔ፤ ሃሃ ደካኣ ቢያ ዓኣ ቤዛፓ ባይቁኔ። 21 ዴኤሠማ ፔቴ ዴኤፒ ዎንሂ ሹቺጉዴ ሻቺ ጫሪንጫፓ ዓሶይዳ

16:15 16:15 ማቴ. 24:43-44፤ ሉቃ. 12:30-40፤ ዮሃ. ጾፔዳ 3:3። 16:16 16:16 2ካኣቶ. ማ 23:29፤ ዛካ. 12:11። 16:18 16:18 ዮሃ. ጾፔዳ 8:5፤ 11:13፤ 19። 16:19 16:19 ዓሲ. 51:17። 16:20 16:20 ዮሃ. ጾፔዳ 6:14።

ኬዴኔ፤ ዬይ ባይዘም ዳኪንቴ ባካ ሚርጌ ካራ ባይዚ ሜታሴያ ማዔሢሮ ዓሳ ጾኦሲ ጫሽኬኔ።

17

ዘአሰካ ኮኦማ ላኦሊ

1 ላንካዎ ዑዦር ዓንጎ ዔኪ ዓኣ፡ ላንካዎ ኪኢታንቸንሢፓ ፔቴይ ታ ባንሢ ሙካዎ ታኣም፡- «ሃኒ ሙኬ፤ ሚርጌ ዋኦፃ ዑፃ ዴዒ ዓኣ፡ ዘአዛ ኮኦማ ላኦሊውም ዒንጊንታንዳ ሜታሢ ታ ኔና ዳዋንዳኔ፤ 2 ዓጮ ካኣታ ዒዞና ዎላ ዘአዛ ኮኦማኔ፤ ሃሣ ዓጮይዳ ናንጋ ዓሳ ዒዞኮ ዬያ ፑርቶ ሱኡኮ ማዶ ዑዦር ማሢንቴኔ» ጌዔኔ።

3 ዬካፓ ኪኢታንቸሢ ዓያና ጌኤሽ ማሊያይዳ ታና ጌልዚ፡ ዓሲ ናንጉዎ ዳውሎ ዔኪ ዓኣዴኔ፤ ዒኢካ ጫሽ ዑጾይዳ ቢያ ፃኣፒንቴ ዓኣ፡ ላንካይ ቶኦኪና ታጾ ጉራኒና ዓኣ፡ ዘቄ ቦጾሰኬያኮ ዑፃ ዴዒ ዓኣ ፔቴ ላኦሊ ታ ዴንቄኔ። 4 ላኦሊ ጮልዔ ዲንኪ ማኣዎና ዘቄ ማኣዎና ማይንቴ ዓኣኔ፤ ጊንሣ ዎርቄና ዲማ ዲማ ሚዛጾ ሹጮና ፓልሚንቴ ዓኣኔ፤ ኩጮይዳ ሃሣ ዒዞ ሻኣካ ባኣዚና ዒዞኮ ፑርቶ ሱኡኮ ማዶና ኩሜያ፡ ዎርቄና ኮሺንቴ ዑሽ ዓንጊ ዔኪ ዓኣኔ። 5 ዒዞኮ ባሊቶይዳ፡- «ዘአዛ ኮኦማ ዓሶና ዓጮይዳ ፑርቶ፡ ዒኢቴ ማዶናኮ ዒንደ ማዔ ዴኤፖ ካታሜሎ ባብሎኔ» ጌይንታያ ዓኣሽንታያ፡ ዔርቱዎ ሱንሢ ፃኣፒንቴ ዓኣኔ። 6 ዬና ላኦሊ ጾኦሲም ዲማዴ ዓሶኮ ሱጉያና ዬሱሰ ኪሪሰቶሴ ዛሎ ማርካዳ ዓሶኮ ሱጉያና ማሢንቴ ዓኣንቴ ታ ዛጌኔ፤ ታ ዒዞ ዴንቃዎ ሚርጌና ዲቃቴ ሄርሼኔ። 7 ኪኢታንቸሢ ጋዓንቴ ታኣም፡- «ዓይጎር ኔ ዲቃቴ ሄርሻይ? ላኦሊውና ዒዞ ዴዒ ዓኣ፡ ላንካዎ ቶኦኮና ታጾ ጉራኖና ዓኣ ቦዓሢናኮ ዓኣሽንታያ ማዔ ዔርቱዎ ባኮ ታ ኔኤም ጋፒሲ ኬኤዛንዳኔ፤ 8 ኔኤኒ ዛጌ ቦዓሢ ቤርታ ዓኣያኬ፤ ሃሢ ጋዓንቴ ባኣሴ፤ ሃጊ ዴኤፖ፡ ዒጊቻ ዔቶይዳፓ ኬሰኪ ባይቆሮ ዓኣዳንዳኔ፤ ዒማና ሳዓ ማገገንቴማፓ ዓርቃዎ ሱንፃ ናንጎ ማፃኣፖይዳ ፃኣፒንቴባኣያ፡ ሳይይዳ ናንጋ ዓሳ፡ ቦዓሢ ቤርታ ዓኣያ፤ ሃሢ ጋዓንቴ ባኣያ ጊንፃፓ ሙካንዳያታሢ ዛጋዎ ዲቃቴ ሄርሻንዳኔ።»

9 «ዔሪ ማላ ዒኔና ዓኣያ ማዓኒ ኮይሳሢ ዒማናኬ፤ ላኦሊ ዴዒ ዓኣ ቶኦኮንሢ ላንካይ ዲካኬ፤ 10 ዔያታ ላንካይ ካኣቶኬ፤

16:21 16:21 ኪሲ. ማፃ 9:23፤ የሃ. ጾፔዳ 11:19። 17:1 17:1 ዔር. 51:13።
17:2 17:2 ዒሲ. 23:17፤ ዔር. 51:7። 17:3 17:3 የሃ. ጾፔዳ 13:1። 17:4
17:4 ዔር. 51:7። 17:8 17:8 ዳኣኔ. 7:7፤ የሃ. ጾፔዳ 11:7፤ ዓይኑ. 69:28።

ዔያቶይዳፓ ደንጋሢ ሎኦሜኔ፤ ፔቴሢ ሃሢ ዓኣኔ፤ ባጋሢ ጋዓንቴ ሃጊ ሙከባባኤ፤ ዒ ሙከፖ ካኣታዲ ዴዓኒ ኮይሳሢ ዳካ ዎዴር ሌሊኬ። 11 ቤርታ ዓኣያ፣ ሃሢባኣ ቦዓሢ ሳላሳ ካኣታሢኬ፤ ዒዚ ለንካዎ ካኣቶንሢፓ ፔቴሢኬ፤ ዒዚያ ባይቆር ዓኣዳኔ።»

12 «ኔኤኒ ዛጌ ታጾ ጉራና ሃጊ ካኣታዲባኣ፣ ታጾ ካኣቶኬ፤ ጋዓንቴ ኮሺ ዳካ ዎዴ ቦዓሢና ዎላ ካኣታዳንዳ ቢታንቶ ዔያታ ዴንቃንዳኔ።

13 ዩንሢ ካኣቶንሢኮ ማሊፃ ፔቴኬ፤ ዔያታ ፔኤኮ ዎልቆና ቢታንቶና ቦዓሢም ዒንጋንዳኔ፤ 14 ዩያታ ማራዓሢና ዎላ ያልታንዳኔ፤ ጋዓንቴ ማራዓሢ ጎዳቶኮ ጎዳ ሃሃ ካኣቶኮዎ ካኣቲ ማዔሢር ያሎና ዔያቶ ባሻንዳኔ፤ ዒዛና ዎላ ዓኣ፣ ዔኤሊንቴዘንሢንታ ደኦሪንቴዘንሢንታ ሃሃ ጉሙርቁንታዘንሢንታ ያሎና ባሻያ ማዓንዳኔ።» ጌዔኔ።

15 ሃሃ ከኢታንቻሢ ታኣም፡- «ዘኣዛ ኮኦማ ላኣሌላ ዴዒ ዓኣንቴ ኔ ዛጌ ዎኣፃ ዴማ ዴማ ዜርሢ፣ ቶኦከ፣ ዴሬ ሃሃ ዴማ ሙኡቸ ጌሰታ ዲቢ ዓሲኬ፤ 16 ቦዓሢና ኔ ዛጌ ታጾ ጉራናንሢና ዬዮ ዘኣዛ ኮኦማ ላኣሌላ ዒዳ፣ ጉሪ ካሎ ዒዘ ዓይሳንዳኔ፤ ዒዘኮ ዓሽኮዎ ሙዒ፣ ታሚና ዒዘ ዔያታ ሚቻንዳኔ። 17 ጾኦሲ ፔኤኮ ማሊፃ ዔያታ ከንሣንዳጉዲ ዬያ ዔያቶ ዒኖይዳ ጌሣኔ፤ ዓይሳር ጌዔቴ ጾኦሲ ቃኣላ ማዲንቴ ከማንዳያ ሄላንዳኣና ዔያታ ፔቴ ማሊሢና ዎላ ጊኢጊ፣ ዔያቶኮ ካኣቱዎ ቢታንቶ ቦዓሢም ዒንጋንዳጉዲኬ።

18 «ዬና ኔ ዛጌ ላኣሌላ ዓጮ ካኣቶ ዑፃ ካኣታዳንዳ፣ ዴኤፖ ካታሚሎኬ» ጌዔኔ።

18

ባብሎኔ ካታሞኮ ሎኦሚያ

1 ዬካፓ ሃሃ ዴኤፒ ቢታንቶ ዓኣ፣ ማሌ ከኢታንቸሰኬይ ጫሪንጫፓ ኬዳንዳቴ ታ ዛጌኔ፤ ዒዛኮ ቦንቸፖ ሸኤሪፃፓ ዔቁያና ሳዓ ፖዔኔ፤ 2 ዒዚ ዴኤፒ ዑኡሲና፡-

«ዴኤፖ፣ ባብሎኔ ካታሚላ ሎኦሜኔ! ሎኦሜኔ!

ፃላሄኮዎ ናንጊ ቤሲ ማዔኔ!

ሃሃ ፑርቶ ዓያኖኮዎ ዎይሢ ቤሲ ማዔኔ፤

ፑርታ ሃሃ ሻኣካያ ማዔ፣ ካፖኮ ቢያ

ዎይሢ ቤሲ ማዔኔ።

3 ዴራ ቢያ ዒዘኮ

ፑርቶ ሱኡኮ ማዳ ዑኩ ዑሽኬኔ፤

17:12 17:12 ዳኣኔ. 7:24። 18:2 18:2 ዒሲ. 13:21፤ 21:9፤ ዔር. 50:39፤ 51:8፤ የሃ. ጾፔዳ 14:8።

ዓጮ ካኣታ ዒዞና ዎላ ዞኦዛ ኮኦሜኔ፤
ሃሣ ዓጮይዳ ኮርሞ ኮርማ ዓሳኣ
ዑሣ ዓኣዴ ዒዛ ሳኣ ናንጊም ጊኢጋያታሣረ ያርጎጩኔ»

ጌዒ ዒላቲኔ።

4 ሃሣ ሜሌ ዑኡሲ ጫሪንጫፓ፡-

«ታ ዴሬዮቲ! ዒዛ ማዳ ጎሞ ዒንሣ ማዳዎጉዲ
ዒዞም ዓጎና ባይሲንቶና ዒንሣያ ባይቁዎጉዲ፤

ዒዞይዳፓ ኬሰኩዎቲ።

5 ዓይጎር ጌዔቲ ጎማ ዒዞኮ ኩሊንቲ

ጫሪንጫ ሄሊሣረ

ጾኦሲ ዒዞኮ ፑርቱሞ ጳቂሣሣረኬ።

6 ዒዛ ዒንጊማጉዲ ማሃ ዒንጉዎቲ፤

ዒዛ ማዳ ማዳኮዎ ጳንጩ ዒዞም ማሁዎቲ፤

ዒዛ ሲኢሪ ዒንጌ ዑኩ፣ ጳንጩ ማሃ

ሲኢሪ ዒዞም ዒንጉዎቲ።

7 ዒዛ ፔና ቦንቹሲ ሳኣ ናንጊም ጊኢጋያ ማሃማጉዲ

ዒዞ ሜታሲ ያዩሱዎቲ፤

ዒዞ ፔኤኮ ዒኖና፡-

ታኣኒ ካኣቲ ማዒ ዴዔኔ፤

ዒኒ ታኣኮ ሃይቆያቱዎሴ፤

ፔቲታዎ ያዩያ ታ ያዩዎሴ»

ጌዒ ጌዒ ሄርሺንታኔ።

8 ዴያር ዒዞም ዓጎና ባይሲንታ

ፔቲ ኬሊ ዒዞ ሄላንዳኔ፤

ሃይቢና ያዩሣና ናይዚና ዒዞ ሄላንዳኔ፤

ዒዞይዳ ዎጋ ጎዳ ማዔ ያኦዛሣ ዴኤፒ ማዔሣረ

ታሚና ዒዞ ሚቹንታንዳኔ»

ጋዓንቲ ታ ዎይዜኔ።

9 ዒዞና ዎላ ዞኦዛ ኮኦሚ፣ ጊኢጋ ናንጊ ናንጌ፣ ሳዎ ካኣታ ዒዞ
ሚቹንታ ዎዶና ኬሰካ ጩቦ ዛጊ ዒዞር ዒላቲ ዒላቲ ዩኤካንዳኔ።

10 ዔያታ ዒዞይዳ ሄሌ ሜታሣ ዛጎ ዒጊጩ፣ ሃኬ ዔቁ፡-

«ኔኤኒ ሃና ዴኤፖ ካታሜሌ!

ኔኤኒ ሃና ፑኤፒ ማዔ፣ ባብሎኔ!

ፑርቶ ዎጋ ኔ ጊዳ ዑኬና ሙኬሣረ

ባዴዔ ኔና! ባዴዔ ኔና!»

18:3 18:3 ዒሲ. 23:17፤ ዒር. 51:7። 18:4 18:4 ዒሲ. 48:20፤ ዒር. 50:8፤
51:6፤ 45። 18:5 18:5 ማኸ. ማፃ 18:20-21፤ ዒር. 51:9። 18:6 18:6
ዓይኑ. 137:8፤ ዒር. 50:29።

ጋዓንዳኔ።

11 ዔያቶኮ ዋኦያ ካኦሚላ ጫኦኔ ባኮ ሃካፓ ሴካ ሻንቃ ዓሲ ባኦሚሮ፣ ሳይይዳ ኮርሞ ኮርማ ዓሳ ዒዞ ዛሎ ዩኤኪ ያያንዳኔ፤

12 ዔያታ ዋኦያ ካኦሚሎይዳ ጫኦኔ ባካ፡- ዋርቄ፣ ቢራ ዓንጊ፣ ቦንቸንታ ሹቸ፣ ሚዛጲ ሹቸ፣ ቦኦሬ ሻኦኸ ዓፒላ፣ ጮልዔ ዲንኪ ማኦዳ፣ ሱኡፔ ዓፒላ፣ ዞቄ ዓፒላ፣ ቃራ ሳውቃ ደማ ደማ ሚሢ፣ ደርሲ ዓቸንታ ሚርጌ ሚኢሽ ዔካ ሚሢንታ ሞኦና ዓንጊንታ ማሌ ዓንጎንታ ቦኦሬ ሚዛጲ ሹጮንታይዳፓ ኮሺንቴ ባካ ቢያ፣ 13 ሳውቃ ሚሢ ቁኡሪ፣ ደማ ደማ ሳውቃ ጴኤሻ፣ ካርቤ፣ ቲሺ፣ ዑንጄ፣ ዋይኖ ዑኸ፣ ሪሚቶ ዛይታ፣ ሺኢቸ ዲኢሊ፣ ዛርጌ፣ ባይ፣ ማራይ፣ ፓራ፣ ሳርጌላ ያይታ፤ ዩያጉዲ ሃሣ ዓይሎ ማዔ ዓሰንታ ያሎና ዲዒ ዔኮና ዓሰንታኩ። 14 ዩንሢ ኮርሞ ኮርማዞንሢ፡- «ኔኤኒ ናሽካ ኮኸ ባካ ቢያ ኔ ጊዳፓ ቤቲ፣ ዴንዴኔ፤ ኔኤኮ ያርጎቹሞና ፓልሞና ቢያ ባይቄኔ፤ ማይ ዩይ ባካ ኔኤም ጊንሣ ጴዳዓኩ» ዒዞም ጋዓኔ። 15 ዩያ ባኮ ዒዞይዳፓ ሻንቄ ኮርሚ ያርጎጬ ኮርማ ዓሳ ዒዞይዳ ሄሌ ማቶ ዒጊጠሢሢና ሃኬ ዒዞኮ ዔቃንዳኔ፤ ሃሣ ዔያታ ዒዞ ዛሎ ዩኤኪ ዩኤኪ ያያንዳኔ፤ 16 ዑኡዞዋ ዔያታ ዴጊዲ፡-

«ሻኦኸ ዓፒሎንታ ዲንኮ ዞቄ ዓፒሎንታ ማይንታዞ

ዋርቄና ሚዛጲ ሹጮና ፓልሚንቴዞ

ጴኤፖ፣ ካታሚሎ ባብሎኔም ባዴዔ! ባዴዔ!

17 ዩይ ቆላ ቢያ ኔጉዋየ ኔኤኮ ባይቄባይ!» ጋዓንዳኔ።

ዋኦያ ካኦሚሎኮ ሱኡጋ ቢያ፣ ዋኦያ ካኦሚሎ ቶጊ ዓኦዳ ዓሳ ቢያ፣ ዋኦያ ካኦሚሎይዳ ማዳ ዓሰንታ ባዞ ዑፃ ሃንቲ ሃንቲ ኮርማ ዓሳ ቢያ ዒዞኮ ሃኬ ዔቃንዳኔ፤ 18 ዒዞ ሚቸንታኦና ኬሰካ ጩቦ ዛጋያ፡- «ሃኖ ጴኤፖ ካታሚሎጉዴያ ሚሌ ካታማ ዋካዳይ?» ጌይ ጌይ ዔያታ ዒላቴኔ። 19 ሃሣ ዔያታ ፔኤኮ ቶኦካ ሲላሊ ዋሃ፣ ያዩ ዩኤኪ ዩኤኪ፡-

«ባዞይዳ ዋኦያ ካኦሚላ ዓኦ ዓሳ ቢያ

ዒዞ ቆሎና ያርጎጬ ዓሳ

ጴኤፖ ካታሚላ ዑኬና፣ ኔጉዋየ ባይቄሢር

ባዴዔ! ባዴዔ!

20 ጫሪንቸዮ! ዒዞ ባይቄሢር ዋዛዴ፤

ዒንሢ ጾኦሲም ደማዴዞንሢና ጾኦሲ ማዴም ዳኪንቴዞንሢዮ

18:10 18:10 ሂዘ. 26:16-17። 18:11 18:11 ሂዘ. 27:31-36። 18:13 18:13 ሂዘ. 27:12፤ 13፤ 22። 18:15 18:15 ሂዘ. 27:31፤ 36። 18:17 18:17 ዒ.ሲ. 23:14፤ ሂዘ. 27:26-30። 18:18 18:18 ሂዘ. 27:32። 18:19 18:19 ሂዘ. 27:30-34።

ሃሣ ያኦሲ ማሊያ ከኤዛዘንሢዮ ዋዛዲዋቴ፤
ዓይጎር ጌዔቴ፡-

ያኦሲ ዒንሢዲ ዒዛ ሄሊሴ ማቶር ጌዒ
ዒዛ ፑርታና ዋጌኔ» ጌይ ጌይ ዒላቴኔ።

21 ዩካፓ ሃሣ ፔቴ ዳኤፒ ከኢታንቻሰኬይ ፑኤፒ ዋንሢ ሹቸጉዬ
ሹቸ ዓከ ባዘይዳ ከኤራዎ፡- «ዳኤፖ ካታሜላ፥ ባብሎኔ ሃኣዲዲ
ዋልቄና ከኤሪንታንዳኔ፤ ሃካፓ ሴካ ዒዛ ጴዳዓኬ፤

22 ጎኦሎ ዋርቃ ዓሶንታ ዓይኑሞ ዓይናዳ ዓሶ ዑኡዛ
ሹሉንጎንታ ዛያሢንታ ዋርቃ ዓሶ ዑኡዛ
ላሚ ኔ ጌዳ ማይ ዋይዚንታዓኬ፤

ዲማ ዲማ ባኣዚ ሃኣማቶና ማዳ ዓይጎ ዓሲያ
ሃይፓ ሴካ ኔ ጌዳ ጴዳዓኬ፤
ዋንሢ ዋዲንታያኣ ማይ ኔ ጌዳ ዋይዚንታዓኬ።

23 ፖዓ፥ ፖዒያ ኔ ጌዳ
ሃይፓ ሴካ ፖዓዓኬ፤
ዔፒ ሃይሴያ ሃይፓ ሴካ ኔ ጌዳ ዋይዚንታዓኬ።

ኔ ዓጮኮ ኮርሞ ኮርማ ዓሳ
ዓጮ ቢያይዳ ዔርቴ ዳኤፖ ዓሶኬ፤
ኔኤኮ ማርሾና ዓሶ ቢያ ኔ ዳቢሼኔ።

24 ዒዘይዳ ያኦሲ ማሊያ ከኤዛዘንሢዮ
ያኦሲም ዲማዳዘንሢዮ
ሳይይዳ ዋዲንቴ ዓሶኮዋ ቢያ ሱጉፃ ጴዳኔ» ጌዔኔ።

19

1 ዩካፓ ሚርጌ ዓሲ ዑኡሲ ማላ፥ ዳኤፒ ዑኡሲ ጫሪንጮይዳ፡-
«ያኦሲም ጋላታ!

ዳቂሺሢና ቦንቾና ሃሣ ዋልቄያ ኑ ያኦዛሢር ማዔኔ፤

2 ዒዚ ዋጋ ዋጊፃ ጎኔ፤ ሃሣ ፒዜኬ።
ዘኣዛ ኮኦሚያና ሳያ ዒኢሴ
ዘኣዛ ኮኦማ ዳኤፔሎ ፑርታና ዒ ዋጌኔ፤

ዒዘ ፑርታና ዋጊያና
ዒዛም ማዳ ዓሶኮ ሱጉፃ ማሃኔ፤

3 ላሚ ሃሣ

18:20 18:20 ላሚ. ዋማ 32:43፤ ዔር. 51:48። **18:21** 18:21 ዔር. 51:63-64፤
ሂዚ. 26:21። **18:22** 18:22 ሂዚ. 26:13፤ ዓሲ. 24:8። **18:23** 18:23 ዔር.
7:34፤ 25:10። **18:24** 18:24 ዔር. 51:49። **19:2** 19:2 ላሚ. ዋማ 32:43፤
2ካኣቶ. ማ 9:7።

ጾኦሲም ጋላታ! ዒዛይዳፓ ጨባ ናንጊና ጨቤ ጨቤ ከሰካኔ»
ጋዓ ዑኡሲ ታ ዋይዜኔ።

4 ዒማና ለማታሚ ያይደ ጋርቾንሢና ያይደ ባኮንሢ ካኦቱሞ ያይታ
ዴዒ ዓኣ፣ ጾኦሲም ባሊቶና ሳዖ ባንሢ ሂርኪ ጌይ፡-
«ዓኣሜን፤ ጾኦሲም ጋላታ!» ጌዒ ጌዒ ዚጌኔ።

ማራዒሢኮ ዔፖ ሙዖ

5 ዬካፓ፡-

«ዒዛ ዒጊጨ፣ ዒዛም ማዳ
ዳኮንታ ዴኤፖንታ ቢያ
ኑ ጾኦሲም ጋላቱሞቱ!»

ጋዓ ዑኡሲ ካኦቱሞ ያይታ ዓኣ ቤዛፓ ዋይዘንቴ።

6 ሃሃ ጊንሢ ሚርጌ ዓሲ ዑኡሲ፣ ዴኤፒ ዋታ ዋርዚ ዋኣሢና ዴኤፒ
ጉጉንሢ ዑኡሲ ማላ ዑኡሲ፡-

«ቢያ ባኣዚ ዳንዳዓ ጎዳ ማዔ ጾኦሲም
ካኣታዴሢር ጋላቱሞቱ!

7 ማራዒሢኮ ዔፓ ሄሊሢር

ዒዛኮ ዑኡቲላ ጊኢጊንቴሢር

ዋዛ ኑም ማዖንጎ፣ ኑ ዋዛደም፤

ቦንቲያ ዒዛ ኑ ቦንቶም።

8 ዓኣፒዳ ዴካያ፣ ጌኤሺ ማዔ

ሻኣዡ ዓፒላ ማይንታንዳጉዲ ዒዛም ዒንጊንቴኔ፤

ዬይ ቦኦሬ ሻኣዡ ዓፒላ ጾኦሲም ዴማዴ ዓሶኮ

ዪሉሞ ማዶኬ» ጋዓንቴ ታ ዋይዜኔ።

9 ኪኢታንቻሢ ሃሃ፡- « ማራዒሢኮ ዔፖ ሙዖም ዔኤሊንቴ ዓሳ
ባሊቲና ዓኣያኬ» ጌይ ፃኣፔ» ታኣም ጌዔኔ፤ ሄሊሳዖ ሃሃ፡- «ሃይ
ጾኦሲኮ ጎኔ ቃኣላኬ» ጌዔኔ።

10 ታኣኒ ዬያ ኪኢታንቻሢም ዚጋኒ ዒዛ ቶኮ ዴማ ባሊቶና ሂርኪ
ጋዓዛ፣ ዒዚ ጋዓንቴ፡- «ሃሺ! ሃያይዲፖ! ታኣኒያ ኔናንታ ዬሱሴ
ዛሎ ማርካዳ ዒሾንሢንታ ዋላ ማማዳያኬ፤ ጾኦሲም ዚጌ።

«ዬሱሴ ፔጋሲ ዳዌ ጎኑማ ጾኦሲ ማሊዖ ከኤዛ ዓሶ ዳንጎና ከኤዛ
ዓያኖኬ» ጌዔኔ።

ቦኦሬ ፓራሢ ቶጊ ዓኣ ዓሢ

11 ዬካፓ ጫሪንጫ ቡሊንቴም፣ ዒኢካ ቦኦሬ ፓር ታ ዴንቄኔ፤
ፓራሢ ቶጌሢ፡- «ጉሙርቄንታያ ሃሃ ጎኔ ዓሲ» ጌይንታያኬ፤ ዒዚ

19:3 19:3 ዒሲ. 34:10። 19:5 19:5 ዓይኑ. 115:13። 19:6 19:6 ሄዚ.
1:24፤ ዓይኑ. 93:1፤ 97:1፤ 99:1። 19:9 19:9 ማቲ. 22:2-3።

ዲላሞና ዋጋያ ሃሣ ያልታያኑ። 12 ዓኣፓ ዒዛኮ ዔኤታ ታሚ ማላኔ፤ ሃሣ ዒዛኮ ቶኦኮይዳ ቦንቸሮ ዓጎ ባካ ሚርጌ ዓገንቲ ዓኣኔ፤ ዒዛይዳፓ ዓታዛ ሜሌ ያኦኒያ ዔሩዋያ፣ ፃኣፒንቲ ሱንሢ ዒዛይዳ ዓኣኔ፤ 13 ዒዚ ሱጉሢ ሄሊ ፑርቲሴ ማኣያ ማይንቲ ዓኣኔ፤ ዒዛኮ ሱንፃ «ያኦሲ ቃኣላ» ጌይንታያኑ። 14 ዒማና ቦኦሬ ፓር ቶጌ፣ ቦኦሬ ጌኤሺ ዓፒላ ማይንቲ፣ ጫሪንጫ ዓኣ ያሎ ዓሳ ዒዛ ገንያ ዓኣዳኔ፤ 15 ሜሌ ዴሮ ያሊ ባሻንዳ ዓጩ፣ ጩንቻ ዓፓሮ ዒዛኮ ዳንጋፓ ኬሰኬኔ፤ ዒዚ ሚጩንቱዋያ ሄርቂ ዔያቶ ዋይሣንዳኔ፤ ሃሣ ዒዚ ቢያ ባኣዚ ዳንዳዓ ያኣዛሢኮ ዴኤፖ ዳጎና ዋይኖ ሄርቂ ጩኦጶ ቤዛ ዋይኖ ሄርቃንዳኔ፤ 16 ዒዛኮ ማኣዓሢና ጉባዘናይዳ፡- «ካኣቶኮ ካኣቲ፣ ጎዳቶኮ ጎዳ» ጋዓ ሱንሢ ፃኣፒንቲ ዓኣኔ።

17 ዩካፓ ሃሣ ፔቲ ያኦሲኮ ከኢታንቻ ዓቦ ዑፃ ዔቂ ዓኣንቲ ታ ዛጌኔ፤ ዒዚ ጫሪንጫይዳ ባራና ካፖሞ ዴኤፒ ዑኦሲና፡- «ያኦሲ ገኢገሺ፣ ዴኤፖ ሙዖ ሙዓኒ ቡኪንቱዋቲ፤ 18 ዒንሢ ቡኪንታሢ ካኣቶ ዓሸኮ፣ ፖኦሊሶ ዓይሣ ዓሶ ዓሸኮ፣ ያሎ ያላ ደዶ ዓሶ ዓሸኮ፣ ፓራሢ ቶገ ያላ ዓሶና ፓራሢና ዓሸኮ፣ ዋይሣ ዓሶና ዴማ ማዒ ዋርቃ ዓሶናኮ ዓሸኮ፣ ዳኮ ዓሶና ዴኤፖ ዓሶና ዓሸኮ፤ ዩያጉዲ ዓሲ ቢያኮ ዓሸኮ ሙዓኒኬ» ጌይ ዒላቲኔ።

19 ሃሣ ቦዓሢንታ ሳያ ካኣቶንታ ፔኤኮ ያላ ዓሶና ዋላ ቦኦሬ ፓራሢ ቶጌሢና ዒዛኮ ያላ ዓሶና ያልታኒ ቡኪንቲ ዓኣንቲ ታ ዛጌኔ፤ 20 ጋዓንቲ ቦዓሢ ዓዲንቲኔ፤ ሃሣ ዒዛና ዋላ ዒዛ ቤርታ ዴማ ዴማ ዓኪ ባኣዚ ማዳ፣ ሉኡዙሞና ያኦሲ ማሊያ ኬኤዛሢሢ ዓዲንቲኔ፤ ዒዚ ቦዓሢ ማላቶ ዔኪ ዓኣዙንሢና ዩያሞ ዚጋዞንሢ ዴማ ዴማ ዓኪ ባኣዚ ማዲ ዳዋሢና ዳቢሻኔ፤ ዒማና ዩንሢ ላምያንሢ ሽምፔና ዓኣ ጎይሣ ዓኣንቲ ዔኤታታሞ ባዘይዳ ዓገንቲኔ። 21 ዓቲዞንሢ ሃሣ ቦኦሬ ፓራሢ ቶጌ ዓሢኮ ዳንጋፓ ኬሰካ፣ ጩንቸ ዓፓራ ዋዴኔ፤ ዒማና ካፓ ቢያ ዓሸኮ ዔያቶኮ ሙይ ሚሸኬኔ።

20

ሺዮ ሌዖ ካኣታዶንዶ ካኣቱሞ

1 ዩካፓ ሃሣ ዴኤፖ፣ ዒጊቻ ዔቶ ካሮ ቡሎ ቁልፔና ዴኤፒ ካኒ ቢራታና ዔኪ ዓኣ፣ ከኢታንቸሰኬይ ጫሪንጫፓ ኬዳንቲ ታ ዛጌኔ፤

19:11 19:11 ሂዚ. 1:1፤ ዓይኑ. 96:13፤ ዒሲ. 11:4። 19:12 19:12 ዳኣኔ. 10:6። 19:15 19:15 ዓይኑ. 2:9፤ ዒሲ. 63:3፤ ዒዮ. 3:13፤ የሃ. ያፔሳ 14:20። 19:18 19:18 ሂዚ. 39:17-20። 19:20 19:20 የሃ. ያፔሳ 13:1-18።

2 ዲዚ ዳኤፖ ሾኦዳህሂ ዓርቁ ሺያ ለዔ ቱከኔ፤ ይይ ዳኤፖ ሾኦዳህሂ ዲያቢሎኦስ፡ ሃህ ጊንሃ ፃላሄ ጌይንቴ ቤርታኦ ሾኦዳህሂ፤ 3 ይይ ሺዮ ለዔ ጋፓንዲያ ሄላንዳኦና ማይ ዴሮ ዳቢሹዋጉዲ ያኦሲኮ ከኢታንቻህሂ ዲዛ ዳኤፖ ዓጊቻ ዔታ ዓጊ፡ ካሮ ያኦኒያ ቡሉዋጉዲ ዔርዛ ማላቶና ዓይሄኔ፤ ጋዓንቴ ዩካፓ ዳካ ዎዴም ዲ ቡሊንታንዲያ ኮይሳኔ።

4 ዩካፓ ካኦታ ዴዓ ሚርጌ ያይታ ታ ዴንቄኔ፤ ዩሮ ያይቶይዳ ዎጌ ዎጋኒ ቢታንቶ ዲንጊንቴ ዓሲ ዴዒ ዴዒ ዓኦንቴ ታ ዛጌኔ፤ ሃህ ዩሱሴ ዛሎና ያኦሲ ቃኦሎ ኬኤዜህሂ ዛሎናሮ ጩንቾ ዓፓሮና ዎዶና ዓሶኮ ሹምፓህሂ ታ ዴንቄኔ፤ ዔያታ ቦዓሂና ዲዛኮ ማላቶናም ዚጊባኦያ ሃህ ዩያ ማላቶ ባሊታ ማዔቴያ ኩጫ ጌሂባኦ ዓሶከ፤ ዔያታ ሃይባፓ ዔቂ ኪሪሰቶሴና ዎላ ሺያ ለዔ ካኦታዳንዳኔ። 5 ዓቴ ሃይቁ ዓሳ ጋዓንቴ ዩይ ሺዮ ለዔ ጋፓንዲያ ሄላንዳኦና ሃይባፓ ዔቂባኦስ። ዩሮ ቤርታሳ ሃይባፓ ዔቂዎከ። 6 ቤርታሳ ሃይባፓ ዔቂዎ ዔቂዎዛንሂኮ ዓንጅ ዎዛ ዓኦያ፡ ሃህ ያኦሲማኦ ዔያታ ዲማዴያከ፤ ላምዓሳ ሃይባ ዔያቶ ዎኦታንዳ ባኦዚያ ባኦስ፤ ዔያታ ያኦሲና ኪሪሰቶሴናኮ ማዳ ቄኤሶ ማዒ፡ ኪሪሰቶሴና ዎላ ሺያ ለዔ ካኦታዳንዳኔ።

ፃላሄኮ ያሎና ባሺንቲዎ

7 ዩሮ ሺዮ ለዔ ጋፔሂኮ ጊንፃ ፃላሄ ቱኡዛፓ ቡሊንታንዳኔ፤ 8 ዩካፓ ዲ ዓጮ ቢያይዳ ዓኦ፡ ጎኦጌና ማኦጎኦጌ ጌይንታ ዴሮ ዳቢሺ ያልዚሮዎ ዔያቶ ዔኪ ኬሰካንዳኔ፤ ዩያ ዴሮኮ ፓይዳ ባዞ ዓጫ ዓኦ ማኦሻሎጉዲከ። 9 ዔያታ ዓጮ ቢያ ኬሰኪ ዴንዳዮ ያኦሲም ዲማዴ ዓሳ ናንጋ ጉርዶና ዲዚ ናሽካ ካታሜሎዎ ማንጌኔ፤ ጋዓንቴ ጫሪንጫፓ ታሚ ኬዲ ዔያቶ ሙዔኔ። 10 ዔያቶ ዳቢሹ ፃላሄና ቦዓሂና ሃህ ሉኡዙዎና ያኦሲ ማሊዎ ኬኤዛያ ማላሂ ዓኦ ቤዞ፡ ፂኦሎ ኬሰኪ ዔኤታ ታሞ ባዞይዳ ዔያታ ዓጊንቴኔ፤ ዲኦካ ዔያታ ዎንቶንታ ሮኦርንታ ናንጊና ጋፑዎ ሜቶ ናንጊ ናንጋንዳኔ።

ጋፒንዎ ዎሳ

11 ዩካፓ ቦኦሬ፡ ዳኤፒ፡ ካኦቱዎ ያይታና ዩያ ያይቶይዳ ዴዒ ዓኦ ዓሲ ታ ዴንቄኔ፤ ዲማና ሳዖና ጫሪንጫና ዲዛ ቤርታፓ ዓኦሺንቴኔ፤ ቤሲያ ዔያቶኮ ዴዲባኦስ፤ 12 ዳኤፖንታ ዳኮንታ ማዔ፡ ሃይቁ ዓሳ ካኦቱዎ ያይቶ ቤርታ ዔቂ ዓኦንቴ ታ ዛጌኔ፤ ዲማና ማፃኦፔ ቡሊንቴኔ፤ ማሌ ናንጊ ማፃኦፔ ማዔ፡ ማፃኦፔና ቡሊንቴኔ፤ ሃይቁ

20:2 20:2 ማኸ. ማፃ 3:1። 20:4 20:4 ዳኦኤ. 7:9፤22። 20:8 20:8 ሂዚ. 7:2፤ 38:2፤ 9፤ 15።

ዓሳ ዲማና ማፃኣፖይዳ ፃኣፒንቴ ዓኣ፡ ፔኤኮ ማዶ ጎይያ ዋጎ ዔኬኔ።
 13 ባዘይዳ ጌሊ ሙይንቴ ሃይቄ ዓሶ ባዛ ኬሲ ዲንጌኔ፤ ሃይቢንታ ሃይቄ ዓሳ ናንጋ ቤዘንታ ዔያቶ ኮይላ ዓኣ ሃይቄ ዓሶ ኬሲ ኬሲ ዲንጌኔ፤ ዩያይዲ ፔቴ ፔቴ ዓሳ ፔኤኮ ማዶ ጎይያ ዋጎ ዔኬኔ።
 14 ዩካፓ ሃይቢንታ ሃይቄ ዓሳ ናንጋ ቤዘንታ ታሞ ባዘይዳ ዓገንቴኔ፤ ዩይ ታሞ ባዛ ላምዓሳ ሃይቦኬ፤ 15 ሱንፃ ናንጎ ማፃኣፓ ፃኣፒንቴ ጴዲባኣሢ ቢያ ታሞ ባዘይዳ ዓገንቴኔ።

21

ዓኪ ጫሪንቸና ዓኪ ሳዓና

1 ዩካፓ ዓኪ ጫሪንቸና ዓኪ ሳዓና ታዛጌኔ፤ ዋይቴ ጌዔቴ ቤርታኣ ጫሪንጮና ቤርታኣ ሳዖና ባይቄሢፎኬ፤ ባዚያ ባኣያ ማዔኔ።
 2 ያኦሲም ዲማዴ ካታሜላ፡ ዓኮ ዩሩሳላሜ ዓኒም ሎዒኒ ፓልሚ፡ ገኢገንቴያ ማዒ ያኦሲ ኮይሎ ጫሪንጫፓ ኬዳንቴ ታዛጌኔ፤
 3 ካኣቱሞ ያይታ ዓኣ ቤዛፓ፡- «ያኦሲኮ ዋይያ ቤዛ ዓሶ ባኣካኬ፤ ዒዚያ ዔያቶና ዋላ ናንጋንዳኔ፤ ዔያታ ዒዛ ዓሲ ማዓንዳኔ፤ ያኦሲ ፔቶኦኪና ዔያቶና ዋላ ማዓንዳኔ፤ ያኦሲ ሃይቄ ዔያቶኮ ዒዛ ማዓንዳኔ፤
 4 ሃሣ ዓቢያ ቢያ ዔያቶኮ ዓኣፓፓ ዒ ዑጫንዳኔ፤ ሃይቢ ማዔቴያ ያይሢ፡ ዩኤፒ ማዔቴያ ሜታ ማይ ዔያቶኮ ባኣሴ፤ ዓይጎር ጌዔቴ ቤርታኣ ባካ ቢያ ዓኣጴኔ» ዴኤፒ ዑኡሲና ጋዓንቴ ታዋይኬ።
 5 ዲማና ካኣቱሞ ያይቶይዳ ዴዔሢ፡- «ዓካሪ፡ ታ ቢያ ባኮ ዓካሳንዳኔ» ጌዔኔ፤ ዩካፓ ሃሣ፡- «ሃይ ቃኣላ ጉሙርቁንታያ፤ ገንሣ ጎኔ ማዔሢፎ ፃኣፔ» ታኣም ጌዔኔ። 6 ሃሣ ዒዚ፡- «ዓካሪ ቢያ ባካ ጋፔኔ! ዔኤቢኮ ቢያ ዓርቃሢና ጋፒሳሢና ታናኬ፤ ዴኤቢንቴሢም ናንጎ ዋኣይዳፓ ጨጎ ባኣዚ ባኣንቴ፡ ጉሪ ታ ዒንጋንዳኔ፤ 7 ያሎና ባሽሢ ዩያ ቢያ ዴንቃንዳኔ፤ ታ ዒዛኮ ያኦሲ ማዓንዳኔ፤ ዒ ታኣኮ ናዖ ማዓንዳኔ፤ 8 ጋዓንቴ ዒጊጫ ዓሳ፡ ጉሙርቁዋ ዓሳ፡ ዒኢቴያ ማዔፎ ፑርቶ ዓሳ፡ ዓሶ ዋዳ ዓሳ፡ ማቾ ሃሣ ዓኒ ማዒባኣያና ላሃ ዓሳ፡ ማርሾ ማርሻ ዓሳ፡ ሜሌ ያኦዞ ካኣሽካ ዓሶንታ ሉኤቃ ዓሶንታኮ ቢያ ዔያታ ጌላንዳ ቤዛ ዩኢሊ ኬሰኪ ዔኤታ ታሞ ባዘይዳኬ፤ ዩይያ፡- ላምዓሳ ሃይቦኬ» ታኣም ጌዔኔ።

ዓኮ ዩሩሳላሜ

20:12 20:12 ዳኣኔ. 7:9-10። 21:1 21:1 ዒሲ. 65:17፤ 66:22፤ 2ጴ፯. 3:13።
 21:2 21:2 ዒሲ. 52:1፤ 61:10፤ ዮሃ. ያፔዳ 3:12። 21:3 21:3 ሂዚ. 37:27፤ ለዊ. ዓኬ 26:11-12። 21:4 21:4 ዒሲ. 25:8፤ 35:10፤ 65:19። 21:6 21:6 ዒሲ. 55:1። 21:7 21:7 2ሳሙ. 7:14፤ ዓይኑ. 89:26-27።

9 ጋፒንሢ ማዕ። ባይዛ ባኮ ለንካዎንሢ ኩንሦና ለንካዎ ዑዠ ባንጎ ዔኪ ዓኣ ለንካዎ ከኢታንቸንሢ ዳፓ ፔቴሢ ታ ኮይላ ሙካዎ፡- «ማራዓሢኮ ማቾ ማዕ። ዑኡቴሎ ታ ኔና ጳዋንዳኔ» ጌዔኔ። 10 ዓያና ጌኤሽ ማለሢ ጋር ታኣኒ ጌሊ ዓኣንቴ ዒዚ ፔቴ። ጳኤፒ ዲካ ታና ዔኪ ዓኣጳዎ ያኦሲም ዲማዳ። ዩሩሳላሜ ካታሚላ ያኦሲ ኮይሎ። ጫሪንጫፓ ኬዳያ ታና ጳዌኔ፤ 11 ያኦሲኮ ቦንቻ ዒዘም ፖዓኔ፤ ዒዘኮ ፖዓ ሚርጌና ሚዘጳያ ማዕ። ዒያሰጲዴ ጌይንታ ሹጮጉዲ ኮሽ ፖዓያ፤ ሃሣ ጌኤሽ ለማሌኤሽጉዲ ፖዓያኬ፤ 12 ታጳ ላምፖ ጌሎ ካራ ዓኣ። ጳኤፒ ሃሣ ሹቸና ኬልቆና ጳጌ ኬኤሌ ዲሢ ዒዘኮ ዓኣኔ፤ ዩሩ ታጳ ላምፖ ጌሎ ካርይዳ ታጳ ላምፖ ከኢታንቻ ዔቂ ዓኣኔ፤ ዒኣካ ሃሣ ታጳ ላምፖ ዒሰራዔኤሌ ፃጳ ሱንፃ ፃኣፒንቴ ዓኣኔ። 13 ዓባ ኬሰካ ዛሎና ሃይሦ ካራ። ኬዶ ዛሎና ሃይሦ። ጳኦሎ ዛሎና ሃይሦ። ዓባ ጌላ ዛሎናኣ ሃይሦ ካራ ዓኣኔ። 14 ካታሚሎ ሹጮና ኬልቂ። ዲርቆና ዲዶኮ ዶዲሻኒ ዴማ ጌሢ ማዠና ታጳ ላምፖ ሹቸ ዓኣኔ፤ ዩሩቶ ዑይይዳ ማራዓሢ ማዶም ዳኪንቴ። ታጳ ላምፖንሢኮ ሱንፃ ፃኣፒንቴ ዓኣኔ፤ 15 ዒማና ታኣና ጌሰታ ከኢታንቻሢ ካታሞንታ ካታሞኮ ጌሎ ካርንታ ሹጮና ኬልቂ ዲርቆና ዲዶሞ ዋርቆ። ዋርቆና ኮሽንቴ ያዶሲ ዓንጌ ኮኦሎ ዔኪ ዓኣኔ፤ 16 ካታሚሎኮ ያዶሱሞና ዳልጉሞና ያይዶ ዛሎና ቢያ ሄኮ ማዕያኬ፤ ከኢታንቻሢ ካታሚሎ ዩሩ ዓንጌሎና ዋርቆዛ ዒዘኮ ያዶሱማ ታጳ ላምፖ ሺያ ሚራፔ * ማዕኔ፤ ዒዘኮ ዳልጉሞና ዔጳና ዩሩ ጎይፆ ማዕኔ፤ 17 ከኢታንቻሢ ሹጮና ኬልቂ ዲርቆና ዲዶ ዋርቆኔ፤ ዋርቆዛ ያዶሱማ ከኢታንቻሢ ዋርቆ። ዔርቴ ዋርቆ ባኮና ጭታና ያይዲታሚ ያይዶ ዋዳ ማዕኔ። 18 ዩይ ኮሾና ኬኤሎ ዲራ። ዒያሰጲዴ ሹጮና ኮሾናያኬ፤ ካታሚላ ለማሌኤሽጉዳ ጌኤሽ ዋርቆና ማዠናያኬ፤ 19 ካታሚሎኮ ኬኤሎ ዲዶ ዶዲሻንዳጉዲ ዴማ ጌሢ ማዠና ሹጮ ዲማ ዲማ ሹጮና ቢያ ማይሊ ጌኣጊሾናያኬ፤ ቤርታሲ ዒያሰጲዴ። ላምዓሶ ሴንፔሬ። ሃይሣሶ ኬልቂዶኔ። ያይዳሶ ሚሬጊዴ። 20 ደንጋሶ ሴርዴንክሴ። ላሃሶ ሴርዲዮኔ። ለንካሶ ከሪሰቶሎቤ። ሳላሶ ቢሬሌ። ታዘጳሶ ዌራዊሬ። ታጳሶ ከሪሰጲራሲሴ። ታጳ ፔታሶ ያኪንቴ። ታጳ ላምዓሶ ዓሜቴሰፃር ጌይንታ ሹጮ ጌሢ ማዠናያኬ። 21 ታጳ ላምፖ

21:10 21:10 ሂዚ. 40:2። 21:13 21:13 ሂዚ. 48:30-35። 21:15 21:15 ሂዚ. 40:3። * 21:16 21:16 ሚራፔ፡- ጌይፃ ሚናኣ ዋዶና ዔኤቢኮ ያዶሱሞንታ ዳልጉሞንታ ዔጳንታ ዋርቂ ዔርያ ማዓዛ ፔቴ ሚራፔ ፔቴ ጭታና ሳሊታሚ ዶንጎ ታኣኪሢ ማዕያኬ። 21:18 21:18 ዒሲ. 54:11-12።

ካሮይዳ ታጽ ላምዎ ሚዛጲ ሹቸ ዓኣኔ፤ ፔቴ ፔቴ ካራ ፔቴ ፔቴ ሚዛጲ ሹቸና ማኸገንቴያኬ፤ ካታሜሎኮ ሳዞ ጳኤፖ ጎይፆ ለማሌኤሹጉዲ ፖዓ፣ ጌኤሺ ዋርቁና ኮሾናያኬ።

22 ቢያ ባኣዚ ዳንዳዓ ጎዳ ማዔ ያኦዛሢና ማራዓሢና ዬኖ ካታሜሎኮ ጌኤሹ ማኣሮ ማዔሢሮ ካታሞይዳ ጌኤሺ ማኣሪ ታ ዳንቁባኣሴ። 23 ያኦሲኮ ቦንቾ ፖዓ፣ ዒዞም ፖዓሢሮና ሃሃ ማራዓሢያ ዒዞኮ ፖዓሢ ማዔሢሮ ካታሜሎም ዓቢያ ማፆም ዓገኒያ ፖዓንዳጉዲ ኮይሱዋሴ። 24 ዳራ ዒዞ ፖዓና ሃንታንዳኔ፤ ሃሃ ዓጮ ካኣታ ፔኤኮ ዓኣ ባኮ ዒዞ ባንሢ ዔኪ ዬዓንዳኔ። 25 ዒኢካ ጳሚ ባኣያታሢሮ ካታሜሎኮ ካራ ቢያ ዎዴ ዎዲንቱዋዎ ዳዓኔ። 26 ዳሮኮ ዓኣ ባካ ቢያ ዒዞ ጋሮ ጌላንዳኔ፤ 27 ፑርታ፣ ሻኣካ ባኣዚ ማዔያ ፔቴታዎ ዒዞ ካታሜሎ ጌላዓኪ፤ ሃሃ ፔና ዒኢሳ ማዲ ማዲያና ሉኡቃ ዓሲ ፔቴታዎ ዒኢካ ጌላዓኪ፤ ዒኢካ ጌላንዳዞንሢ ሱንፆ ማራዓሢኮ ናንጎ ማፃኣፖይዳ ፃኣፒንቴዞንሢ ሌሊኬ።

22

1 ዬካፓ ኪኢታንቻሢ ያኦሲና ማራዓሢናኮ ካኣቱሞ ያይቶይዳፓ ኬሰካ፣ ጌኤሺ ለማሌኤሹጉዲ ጌኤሽካ ናንገ ዋኣሢ ዋርዚ ታና ዳዌኔ፤ 2 ዬይ ዎራሢ ካታሜሎኮ ሳዞ ዓኣ ጳኤፖ ጎይፆ ጊዴና ዓኣዳያኬ፤ ዋሮኮ ሻውሎና ሚዛቆናይዳ ዓገና ዓገና ዓኣፒ ዓኣፓያ፣ ለዎይዳ ታጽ ላምዒ ማይንቲ ዓኣፓ ናንገ ሚሢ ዓኣኔ፤ ዬያ ሚፃሢኮ ዒላዞ ዳሮኮ ጳኤሻኬ፤ 3 ሃይካፓ ሴካ ማይ ጋዳማ ባኣያ ማዓንዳኔ፤ ያኦሲና ማራዓሢናኮ ካኣቱሞ ያይታ ካታሜሎይዳ ማዓንዳኔ፤ ዒዞም ማዲዞንሢያ ዒዞ ካኣሽካንዳኔ፤ 4 ዒዞኮ ዓውካሮዋ ዔያታ ዘጋንዳኔ፤ ዒዞኮ ሱንፆኣ ዔያቶኮ ባሊታ ፃኣፒንቴያ ማዓንዳኔ፤ 5 ዬካፓ ሴካ ጳሚያ ጳሚዓ፤ ናንገና ናንጋ ጎዳ ማዔ ያኦዛሢ ዔያቶም ፖዓንዳሢሮ ፖዒ ፖዓ ባኣዚታቴያ ዓቢያ ዔያቶም ኮይሱዋያኬ፤ ናንገና ዔያታ ካኣታዳ ጎይሢ ናንጋንዳኔ።

ዬሱሴኮ ማዒ ሙኪያ ዘላ

6 ዬካፓ ሃሃ ኪኢታንቻሢ፡- «ሃንሢ ጌይንቲ ባኮንሢ ጉሙርቁንታያ ሃሃ ጎኔኬ፤ ፔ ዓያኖ ዒዞ ማሊያ ኬኤዘ ዓሰም

21:23 21:23 ዓ.ሲ. 60:19-20። 21:24 21:24 ዓ.ሲ. 60:3። 21:26 21:26 ዓ.ሲ. 60:11። 21:27 21:27 ዓ.ሲ. 52:1፤ ሂዚ. 44:9። 22:1 22:1 ሂዚ. 47:1፤ ዛካ. 14:8። 22:2 22:2 ማኸ. ማፆ 2:9፤ ሂዚ. 47:12። 22:3 22:3 ዛካ. 14:11። 22:5 22:5 ዓ.ሲ. 60:19፤ ዳኣኔ. 7:18።

ዒገጋ ጎዳ ማዕ ያኦሲ ደካ ወደኮ ገንፃፓ ማዕገዳ ባኮ ዒዛም ማደዘገሃሂም ፔጋሲ ደዋኒ ፔኤኮ ኪኢታገቻሂ ዳኬኔ» ታኦም ጌዔኔ።

7 ዬሱሴ ታኦም ኬኤዛዎ፡- «ታ ዑኬና ዬዕገዳኔ፤ ሃኖ ማፃኦፖይዳ ኬኤዚገቱ ያኦሲ ማሊያ ካፒ፣ ማዲ ኩንሃሂ ዒገጃ ዋዛ ደገቃገዳኔ» ጌዔኔ።

8 ሃያ ባኮ ዋይዜሂና ዛጌሂ ታና የሃኒሴኬ፤ ዬንሂ ታ ዋይዛዎ ሃሃ ዛጋዎ ዬንሂ ባኮንሂ ታኦም ደዌ ኪኢታገቻሂም ዚጋኒ ዒዛኮ ቶኮ ደማ ሎኦሜኔ። 9 ኪኢታገቻሂ ጋዕገቱ፤ «ሃሼ! ሃያይዲፖ! ታኦኒ ኔናገታ ኔኤኮ ጌርሲንሂገታ ማዕ፣ ያኦሲ ማሊያ ኬኤዛዘንሂና ዋላ፤ ሃሃ ሃያ ማፃኦፓ ጌይገቱ ባኮ ካፓዘንሂና ዋላ ማማዳያኬ፤ ያኦሲም ዘገ ካኦሽኬ» ታኦም ጌዔኔ። 10 ሃሃ ዒዚ ኬኤዛዎ፡- «ቢያ ባካ ማዲገቱ ኩማንዳ ዋዳ ዑኬያ ማዕሂር ሃያ ማፃኦፖይዳ ያኦሲ ማሊያና ኬኤዚገቱ ባኮ ዒሲም ዔርቱዋጉዲ ዒኦቺፖ፤ 11 ዓካሪ ፑርቶ ማዲሂ ፑርቶ ማማዳንጎ፤ ፔና ዒኢሳ ባኦዚ ማዲሂያ ማማዳንጎ፤ ዒላሂያ ዒዒሎንጎ፤ ያኦሲም ዲማዴሂያ ፔና ዲዲማሶንጎ» ጌዔኔ።

12 ዬሱሴ ዒማና ታኦም፡- «ታኦኒ ዑኬ ዬዕገዳኔ፤ ፔቲ ፔቲሂም ፔ ማደጉዴያ ታ ዒገጋገዳ ባካ ታ ኮይላ ዓኦኔ፤ 13 ቤርታሳሂና ጋፒንፃሂና፣ ዔኤቢ ቢያ ዓርቃሂና ጋፒሳሂያ ታናኬ።»

14 «ናንጎ ሚያ ዓኦፖ ሙዒኒና ካታሜሎ ጌሎ ካሮና ጌላኒ ደንዳዒያ ማዕኒ ማኦሳሂ ፔኤኮ ማሰኬዘንሂ ባሊቲና ዓኦያኬ። 15 ጌኔ ማዶ ማዳይ፣ ማርሻ ማርሻይ፣ ዒኒ ሃሃ ማቾ ማዒባኦያና ላሃይ፣ ዒሲ ዋዳይ፣ ማሌ ያኦዘ ካኦሽካይ፣ ሎኤዙሞናሽካያና ሎኤቃ ዒሲ ቢያ ካታሜሎኮ ዙላ ማዕገዳኔ።»

16 «ታኦኒ፣ ዬሱሴ ሃያ ማርካቶ ማርካዲንዳጉዲ ታኦኮ ኪኢታገቻሂ ሸኢጲያ ማኦር ዓሶም ታ ዳኬኔ፤ ታኦኒ ዳውቴ ዜርሂ ሃሃ ያጲኬ፤ ዬያጉዲ ታኦኒ ፖፖዓ ካሪሂ ዙኦጌኬ» ጌዔኔ።

17 ዓያኖ ጌኤዠና ዑኤቴሎና «ሙኬ» ጋዕኔ፤ ሃያ ዋይዛሂያ «ሙኬ» ጎዶንጎ፤ ዴኤቢገቱሂያ ሙኮንጎ፤ ዑሽካኒ ኮዓሂያ ቢያ ናንጎ ዋኦ ዔኤቢ ጨጉዋዎ ጉሪ ዑሽኮንጎ።

22:11 22:11 ዳኦኔ. 12:10። 22:12 22:12 ዒሲ. 40:10፤ 62:11፤ ዓይኔ. 28:4፤ ዔር. 17:10። 22:13 22:13 የሃ. ያፔዳ 1:8፤ 17፤ 2:8፤ ዒሲ. 44:6፤ 48:12። 22:14 22:14 ማዢ. ማፃ 2:9፤ 3:22። 22:16 22:16 ዒሲ. 11:1፤ 10። 22:17 22:17 ዒሲ. 55:1።

18 ሃያ ማፍአፖይዳ ፃኣፒንቴ ያኦሲ ማሊያ ዋይዛዞንሢሂሞ ቢያ ታ ላታኔ፤ ያኦሲያ ሃያ ቃኣሎይዳ ፔቴ ባኣዚ ቃሴቴ ያኦሲ ሃያ ማፍአፖይዳ ፃኣፒንቴ ባይሰንቶ ዒዛይዳ ቃሲ ቃሲ ሄሊሳንዳኔ።

19 ያኦሲያ ሃያ ያኦሲ ማሊያ ከኤዛ ቃኣሎይዳፓ ፔቴ ባኣዚ ፓጨሴቴ ሃያ ማፍአፖይዳ ከኤዛንቴ ናንጎ ሚያ ዓኣፖና ያኦሲም ዲማዴ ካታሜሎናይዳፓ ዒዛ ሄላንዳ ባኮ ያኦሲ ፓጨሳንዳኔ።

20 ሃንሢ ባኮ ማርካዳሢ፡- «ሂዮ፤ ታ ዑኩ ዬዓንዳኔ» ጋዓኔ።

ዓኣሜን፤ ጎዳ ዬሱሴ ሙኬ!

21 ጎዳ ዬሱሴኮ ኮሹሞ ዒንጊፃ ዒንሢ ቢያሢና ዋላ ማዖንጎ፤ ዓኣሜን።

ጌሌዥ ማግኔግ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929